

月令廣義

風



乾

馮慕岡先生纂輯

月令廣義

梅墅石渠閣梓

月令廣義序

月令廣義者觀察慕岡馮先生之所編而其門人戴肩吾氏廣而釋之者也書既成肩吾氏走雷都問序于不佞不佞受而讀之曰於戲天道之大端

王政之晉務備矣粵自扶輿
剖而天地祛混沌開而含易判
二氣環流四時轂轉人乘其運
物拘于虛惠吉逆凶庸有或
違者哉然而機惟玄斡理在
冥樞茂二含生疇能司契聖人

乃始觀日月星辰之運察分至
啓閉之幾順幽明雌雄之宜操生
長斂藏之妨時以作事二君厚生
三正不讐五行莫侮月令之所爲
大也是君昔微詳于夏正昔訓紀
于周書漢立舉昔之官唐申讀

令之制其于議政糾事利物衛生
正刑德之大倫立陰易之大序蓋靡
得而易焉故日月令者王事之本羣
生之命治國家究季壽未有不繇者
也第呂戴所記或鑿于今時魏李所
條未遑于民事厥後古候之學典在

疇人災異之言用昭學士垂久矣哉
月令之書闕疏而莫講矣莫闡先
生仰觀天道俯類人官緬遺職于
羲和叶休嘉于兆庶爰輯斯編用
弘厥理而肩吾氏稟仰師傳恢張
己意因綱而詳其目立例而舉其

凡於是月令之義曲肆旁通鴻
纖畢舉上而朝家之故實下而
官府之典章內而庭室之起居
外而田野之樹藝以至風俗龐
異品彙經奇楓天棗地之占熊
經鳥申之法方以類聚物以羣

分消息在其目壽盈虛羅諸掌
上學者發而觀之典敘兩和均調
八候因時立政可以尋中郎之緒
言怠賞緩刑可呂紂司馬之曲說
矣作述之道不其躓與嗟乎先天
弗違後天奉若聖人之大德也

食其時百骸理動其機萬化安
學者之陰符也人之體卽天而
妄者自沴六氣之和天之用在
人而愚者徒爲四時所轉今卽
斯編而精求之則血氣一會易
也噓噏一寒暑也動靜一晝夜

也悲喜一榮枯也宇宙在手造
化生身迺知帝者之授時王者
之著令洵志壹而動氣非強人
以合天彼閭巷之卜瞽史之占
塗戶杵井之微飛灰改火之細
神理具在精義可思未可格于

典要詆其怪迂者也不佞竊取
斯義聊序于端匪能發其精微
姑以通其條貫云爾

萬曆壬寅中春江寧顧起元書

月令廣義序

月令本出呂覽呂何人斯而得與於禮
經之事乎以故蔡中郎謂其竊周公之
書意者去古未遠當赫坑前諸儒所集
識大識小皆先王之遺焉故記禮者收之
不以其人廢也歷漢大小戴有明堂等
篇至中郎始以明堂冠月令合而著之

所詮註而發明之者甚備知先王授時
之政之為急也原夫宣尼敘書昉於堯
典寔首授時自天生時而地因之用天
之時因地之利而人能出焉物曲利焉
時乎時乎其三才之所以效靈而萬化
之所以咸若者乎君子所以居身與所
以安民殆無物而不從乎時矣順之者

昌背之者殃休咎之報蓋不特如月令
所載而已月令所載大都君國者之梗
槩乃若四民之百禮九土之日用歲瑣
叢雜胡能周羅而悉索之矧夫世代之
遷易事變之靡常自堯甲辰以至于今
餘四千載矣中間歷世之所運為羣籍
之所紀載回視古之方策其繁簡之相

去奚翅什佰之相遼也乎頃季穎人盧
子羽氏嘗爲月令通考月爲一卷又列
十則予已尚其爲書稍又備順時制用
攝生玩物之事顧其書詳於占候畧於
率履今得廣義一書讀之所冥搜而博
采之者幾益數倍知馮氏之發端者闕
而戴氏之終竟者勤也盱眙馮觀察可

大氏自畊讀時已負畊莘之任多所著述創爲此書初名士民月令固以廣授時之義而致重謹身歸取慎動惟切於力學關於脩齊治平之事始輯而錄之若曰時習若曰時保若曰上律天時是觀察之志也大都草創未潤會壬辰舉進士起地官又成戶部職掌歷夏官住

實用編經武會編等書庚子參楚藩明
季遭糾虔稅使事逮去前書乃付新安
戴肩吾潤之戴游子門嚮道輯學夙稱
博雅兼問學於觀察遂託肺腑之和雷
家於盱眙周旋吳楚間不離也間關之
暇爲廣是編之義購求百家緝閱羣籍
以爲時之運也歲月日時有統有別歲月

令分載止於十二而諸所言順時義者
摠別異宜起凡立例則前有通歲四時
之令後有逐日十二時之紀上自聖王
之大政先民之典禮凡君子居身攝生
醫方飲食下及民俗種蒔作息之事吟
咏歌謠等篇苟關時候亦惡其不備也
增修又至數倍尤冠以諸圖類經是正

提綱分目蓋規模宏遠可謂竭人官之
能而盡物曲之利矣管人謂春秋謹嚴
左氏浮誇乃二書至今交相爲用而不
相廢也今是書更比二賢之手經曲具
陳質文交錯殆類乎是傳遠矣疑編成
將攜而北上過畱以視予又不以予菴
荒淫又就之商訂屬都中陳大來氏善

劄劄議付梓于畱視諸名家咸謂曰宜
復敦予爲之序予惟天人相與之際所
從來尚矣人事作於下天候應於上堯
之授時堯之所以則天也而要之自身
始矣是書也內以位吾身外以位天地
者咸於是乎在讀者得其說而存之於
以佐天下國家俾君臣上下咸知若時

之義將氣運蒸洽鬱爲太龢即不然家
置一冊無物而不奉天時此亦君子居
身之所珍也觀察禊身奉公悉準道矩
義聲德政當別有紀此未暇悉云

萬曆辛丑歲孟秋之吉上元如真老生

李登拜書



月令廣義自序

論學者必折衷於孔子孔子之學

極之際天蟠地不爲窮大而失其

居何也居之以時也析之牛毛繭

絲不爲厖雜而失其統何也統之

以時也京自蚤歲誦法孔子歘溺

心制義未窺一斑比壯季考我

高皇帝經世之緒潛會其心恍然見
魯論所稱暮月而可蓋有施爲次
第時至而事起也爰著實用編以
乾元亨利貞分集竊取元氣布四
時之義治天下之大法略備第思

正修齊治瞬息異空晦朔晨昏作
止異用吾所資以日新者夥矣出
而令民懼無稽則弗信也取記月
令彙古今事變以利民用戴山人
實同筆研已又謂京曰子識其大
耳今垂右文而組繪弗備猶然未

時也乃發篋增三之二就厥師如
真翁正焉攝受三教囊括萬有自
君公以至氓隸凡日用不可缺者
犁然悉具夫啓太倉而飡勺米汎
溟海而探顆珠博固所以成約也
是編也臚列數千季事而措之惟

以其時所謂博學而約取非耶然則時之道止此乎未也出處語默動靜云爲之幾至蹟至變而不可以數窮皇帝王霸盈虛消息之運至灝至眇而不可以迹據茲僅載其所可言而其所不可言者如真

翁默識之京與戴山人何知哉望
洋而嘆大道之無涯臨流而羨圓
機之不息憫時若農赴時若賈盡
捐其意見習染而蘄中于時相與
終吾身焉極神情之所之不識於
吾孔子能庶幾乎萬一否也

盱眙馮恭節公紀略

公諱應京字可大號慕崗盱眙人生于嘉靖乙卯聯
第于萬曆壬辰吏部觀政見寧夏寇熾守臣紛紛求
去公上疏請降資爲邊尉練兵討賊言甚壯未許初
授戶部清吏司主事督餉薊邊創戶部職掌及經武
考諸編丁酉轉兵部武選司己亥擢職方郎庚子陞
授湖廣分巡按察司僉事時稅監陳奉荼毒楚中歲
索包礮銀數萬至有掘塚伐屋劫藏沉骸等事民不
堪命全楚騷動禍將不測公爲民社計隨疏陳奉違

馮表傳公 系明
旨不法九大罪當斬上怒謫公逮公諸撫按內閣大
小九卿共疏寃狀者七十餘人

諸疏詳蓄艾編

上愈

怒俱罷且逮以稅監單詞鞠公刑楚備至下鎮撫司
獄公在獄四年神斂氣定談道不斃同難華司理鈺
何司理棟如梁孝廉斗輝俱悅服以師事之因與諸
公尊崇聖學著經世實用編三十卷蓄艾編十四卷
月令廣義二十四卷行世萬曆甲辰秋得釋歸里丙
午端月奉旨復職旋棄世諾有道者皆高其節悲其
遇共相憶曰以公之雙眸炯炯骨勁挺絕方期公按

千古之緒以開來學豈僅忠一楚而已天不憖遺亦
斯道之不綱也卒之日朝野聞之俱爲雪涕諸門人
奔弔數月不忍去因又著公拘幽草玉成日紀繫世
輿言人物冠冕錄癸丑葬于邑南之靈山左都御史
鄒南臯先生諱元標作傳刑科左給事中曹真予先生
諱于汴作誌楚祀名宦盱眙鄉賢本省撫按會各院道
以公有功于社稷也題請建立特祠以祀之又奉禮
部咨南直學院給奉祀生員馮堯徵公之孫也世祀
祭典泰昌元年賜謚恭節天啟二年贈太常寺卿廕

一子公長子鴻臚寺序班馮霆號勤所次子邑庠孝
子馮霏號儉所俱故明末公之孫馮堯會以三品官
生考選刑部照磨時逢鼎革奏裁回籍今同諸孫
讀書于祖墓靈山之側因有諸刻行世而未詳素履
也故述其始末以爲紀略云

姪馮霏公澤甫述于淮山靜室

月令廣義總目

首卷

序由

一首

編端

二十一首

圖說

三十五首

洛書洪範
河圖象數

六十四卦先後中天方圓圖

先天卦分二十四氣圖

五行八卦司化六十四卦圖

十二支位藏干寄旺十干生墓圖

十二月卦律日月躔會二十四氣七十二候圖

十二支宮屬分野宿度圖

九重天圖

天地儀

冬夏風雨圖

廣輿京省邊鎮圖

五音相生次序圖

十二律隔八生子圖

黃鍾萬事根本圖

太乙九宮圖

經絡配四時經水圖

五臟出脉方色圖

四時旺脉圖

四時五臟邪脉

明堂月令圖

山海輿地全圖

天文圖

日月五星周天圖

太陽中道圖

五聲八音八風圖

三分損益圖

十二律同心一統圖

交六氣陰陽升降圖

經絡五令六氣圖

經脉始中焦圖

三關六部脉圖

四時五臟平脉

歷年統緒圖

授時圖

一卷

月令統紀

歲令一

政典
曆攷

事文
禮節

名數
祀典

氣候

二卷

歲令二

古事
授時

類藻
占候

方物
陰陽

衛生
雜紀

宜忌

三卷

每月令

圖藻
言

文教
氣候

政紀
名數

祀典
物理

古事
日次

四卷

春令

政教
氣屬

春官
名數

文言
方物

事紀
攝生

祀典
事宜

事忌
陰陽

飲食
占候

授時
雜紀

五卷

正月令

政教
司權

事文
日次

名數
祀典

節令
授時

物候
攝生

事宣
占候

避忌
雜紀

陰陽

六卷

二月令

自同正月

七卷

三月令

目同正月

八卷

夏令

目同春令

周禮夏官

九卷

四月令

目同正月

十卷

五月令

目同正月

十一卷

六月令

目同正月

十二卷

土王令

政教
宣忌

周官
方物

事文
陰陽

氣屬
占候

攝生
雜紀

十三卷

秋令

目同春令

周禮秋官

十四卷

七月令

目同正月

十五卷

八月令

目同正月

十六卷

九月令

目同正月

十七卷

冬令

目同春令

周禮冬官

十八卷

十月令

目同正月

十九卷

十一月令

目同正月

二十卷

十二月令

目同正月

二十一卷

閏月令

圖事紀

文教授時

名數曆攷

物理雜紀

二十二卷

晝夜令上

力學
古事

政紀
藻言

事文

二十三卷

晝夜令下

名數
事宣

氣候
陰陽

方物
占候

衛生
雜紀

起居

二十四卷

時令

文言
刻候

政教
陰陽

事文
體物

名數
雜紀

時屬

月令廣義總目

終

月令廣義首卷

敘由



開闢以來萬古一日也自羲畫闡秘燧鑽洩靈圭景
究天亥步測地錯五行以媾運定甲子之幹旋哀析
制醞造化萬象造無遺理矣聖人者卓爲法章彌綸
繩準精微委宛於是象緯定軌鼇軸奠方萬物乃敘
百靈乃妥于以曆象稽時積閏成歲建皇極授民事
以爲法天循古之治天子居明堂以頒月令上敬慎
而下信行務使朝無闕政民罔怠事此中古復初之

教也後垂天人之理或悖而萬事紊煩故天地之運
不常而災變之符旋應事歲歲異心人人殊原其法
久弊生人移功泯所由致然今之法仍古之法古之
人卽今之人何以異哉有春有秋有晝有夜寔垂運
同然耶我

聖朝參酌往制綜核精確彬彬文憲日久差池獨授
時統曆頒布流行其他教令鮮易聞睹此稽古援證
之書不空單廢也盱眙馮慕岡先生自業經生時彙
輯士民月令一帙日課其正修齊治之學斤斤以惜

分陰致實用爲功時習日新以明道類聚經史法語
倣古月令而爲例袖握躬行之有季矣任得以時範
雅言退淑懿德在門且久歲戊戌先生以使事圖南
道經榆社嘗屬諸生講業盱山間出此編相戒力學
任讀未竟而豔然懷歸紬繹三復之旣歎曰道一而
已苟知言則一言可以服膺終身如其渺渺雖多奚
爲恪習其言思廣其義粵惟周官月令諸篇典則條
理巨細精詳要之斷章約旨拓類萃言鮮得全書遂
據先生本文參攷百氏增補牋釋之原書一卷凡一

十有二令今益以閏月更別四時而增五紀扁冠以圖統之以歲總約十二月文義之同者括爲每月令領於春令之前復槩每月三十日所同者立晝夜令而一十二時區爲時令系諸篇終凡令二十有二而歲與晝夜皆有陰陽故各兩其卷以象之其爲卷二十有五以協氣數而放閏餘也於其義類校聯庸俗淺近作息泛務咸冥搜蹟探之損益不遺焉草創初就負篋遠遊遵齊魯歷燕薊廣覽博求句拈字摘已而道過安平張都水首岑先生館假墨莊尤加潤飾

絡繹三季涉淮適楚寢次書成席馮先生煦翼提挈
之力周至始克竣事竊謂古月令之書數什百家今
中秘鮮播民間而枋刻蕪雜弗備彼秬苑卑視巷言
乃采風不登稗官又若膏紈則嗤姍讀書而裋袴則
難于閱市譬之舍鍤以攘腴賴本而昧末此教令之
所不常而紕繆益甚也世故因循壹淫浮藻人俗既
弗古詎爲時令亦弗古耶故是編特揭明堂月令之
遺旨而廣敷義例所資明德敦義夕惕日乾之功致
謹正修齊治之術太上厚生以急農事乃衍極人文

不遺工技若夫日用眇細之常經芒梗螭蠕之品類
凡有關於氣數莫不畢羅焉夫四詩之存鄭衛魯史
之紀災祥齊諧志怪野史術奇要皆宇宙四氣之所
包涵資治利用協候寓理之具卽載孟浪籍曠逸推
移變態遷就物情將爲感懲之契以藻博雅之林是
以繁不厭蕪簡不芟複覩縷所由申諸紀例名曰月
令廣義云

編端

禮月令布德奉法起居服色郊天祈穀祀祭禡儺禮

樂曆候。布農事。勸桑蠶。出祿發賑。爵賞兵戎。禮賢聘
士。贊傑俊。遂賢良。喪紀飭典。卹孤掩骼。申刑出弊。積
穀聚藥。倉廩門廬。築城穿竇。隄防徑路。水虞漁獵。驅
獸遊牝。覆舟伐木。竹葦薪炭。芻豢畜菜。製繕審材。製
衣染采。理傷視折。兆卜工器。商貨秫麴。及齊戒掩身。
順時慎類。升高眺遠。選長大。養壯佼。禁婦容。警容止。
凡茲政令。兼張畢舉。或大典有常。或禮文足備。或民
務既已。切行或時尚。不得其要。悉已芘參異同。損益
不一。

禮經不達於齊民今九有異宜四禮不飭自

大典羣祀六禮儀文服器式制尚不知其名象而四
民冠婚殊俗至于臨喪作樂奏伎送葬更衣淫飲自
昔已然孰不可忍聊揭典要以明太鼎一變

昔公孫僑察及騶虞孫叔敖不審車輓陳平明治于
司存丙吉致慎于氣候此皆秉其大體用施殊致不
必周物是故一鳥麗林亦自得春星紅綴野輒標萬
綠奚俟崇牙羽鏗金石始稱克諧也哉集律呂陰陽
諸圖瑣義小備行廚

樂律元聲民俗鮮習始于黃鍾之管葭灰候氣按月而應以人間能發造化之妙有至神莫測者其於人聲豈惟古樂卽邳歛野謳苟被之管絃亦不出其律呂之妙而今之爲樂者延成法而忽元聲豈惟燕樂卽爲古樂亦多習而不察已茲紀樂律汎而未詳近代呂巾石公律呂古義黃司成公樂律志具備古制尚志鈎玄始孛灰黍

曆書秘本不泛傳狀如古人精詣若鈞衡卦筴異例同驗者今不多得摘錄一二成法以供索隱

羣祀有常典若古祭鬼神以其功德垂後裕民者大
而天地山川五帝七曜所以祈禱報功而歲復三儺
祛邪養正舉當于禮而後止滋事淫神污瀆非鬼佞
佛老微祐庇甚有玷礪內則動乖女規結緣祈嗣諂
褻荒姪不欽敬遠之義過爲懺說之癡故紀明祀以
節敬

古者寓兵于農以時講武今之治兵制置多方羣典
可攷其神妙貴乎變通而膠譚者未必當用故曰兵
事難言謹損其目

朝廷頒律令統曆散播民間援古授時之教也頽俗揚而古風難復只今庸俗但知律曆可遵矣而

聖諭教民一榜鄉約將同具文且有藉爲漁弋之藪者矣誠如申明保甲設立社倉併鄉約三事合一附載前賢化俗勸戒歌詞及四禮節要諸篇刊布每月期會講明三事及律令授時本意寔輔治之大助也紀鄉約社學之要

耕桑爲生民之本務農諸書草莽野人多不悉知輒播植愆期斂藏失度致賦稅違公丞嘗缺享此所以

祖制每月宣諭教民常提撕之斯農時不違五穀可
蕃矣

資生有道相區土俗習爲業生財之術有五曰農田
樹藝菜蔬藥苗之需曰蠶桑麻枲紡織黼紅之事曰
畜擾五字蜂蠟禽魚之息曰五醞烹煎脯腊蔬菓之
業曰經營販裨煮海冶山之務其他漁獵樵牧工傭
役圉屠漸陶鑄安生之道咸有恆功不則酗偷姪賭
爲風教魔故紀授時波及雜事

衛生之要有本有末泛觀三教均有著論大都以

心寡欲爲本而因時順氣服食節宣之宜亦所不廢
乃三家者流或主外形遺身或專歛嗟伸屈互相詆
抑無庸已聊揭名言參紀之

百家醫方治療小恙可據方而取效者略載之所關
氣運犯邪診蘊自根源深入媵理者非精業神聖不
可診劑譬之二丸一藥攻二病伯瘳仲痼所感不同
故醫貴變通乃紀運氣

康衢擊壤效著堯風洛水流觴政聞周治而采藻秉
簡可想其化叔季以還因革異象凡所逸遊間嘗著

迹山林高致睥睨頽箕水壺秋月垂有全文摘指管
豹以資臥遊

佳詞麗句義富文繁附錄百一莫能錙聚

春秋無事書時正爲進德之功比以歲統月以事繫
日日無所紀則書次以備無事書時之義

天文地輿卦氣曆候樂律化運醫相授時諸圖或單
著繫說所以緒綱簡文挈領羣義

陰陽家煩說岐宗浩瀚叢雜甲可乙否亡所適從太
史公謂使人拘疑畏忌信欬尅釋多門乖舛悖

可枚指況時有古今地分南北東家之西卽西家之
東我往彼亡無論甲子此皆達旨如涓選五行本自
生剋正理明晰其諸神煞淆紊差池若呂才援證砭
俗歛以婚牘愚虜至今傳譌楊氏以十三忌日惑世
掩理似此之類斷不可憑今按授時曆義點斑摘毛
備副時論

占候之文歷無明效而雜說謬陳互相矛盾若黃帝
地母經占歲驗亡準龔俗不反既往而惑信未來夫
月令陰陽垂訓尚有未洽豈應膠執煩文獨農家五

行海運應候頗孚氣數戎事類占並有佳本

廣義之槩稽天時襲地利資政教勅身心洽人情寫
物理裨術藝燭百工搜故實供藻膾要之撮簡擷綱
指蹤蹊徑非曰具籍謬擬通方云爾

古諸家月令周攷弗備是集昉於禮記汲冢周書五
經六子管晏韓墨鴻烈太玄洪範佛藏素問百家類
書農桑諸集醫方本草騷選詩話教流小說波涉神
隱神樞山堂天中地攷新語類林說苑語林統志星
禽相命地理輿圖家禮遵生函史等書二百餘種皆

破卷掬瀾博以采約不贅其目


每令大目則政教文言古事藻林名數氣候主屬物
理衛生起居宜忌授時藥食服食陰陽占候等篇其
遺逸不侔者別爲雜紀以終焉初意區別類中條款
併陰陽分卷乃功自一人事成於速尚期博古大方
君子取裁之辛丑春仲新安戴任書



秣陵陳邦泰校梓

前卦象數


前圖之數前七三後一六左三八右四九中五與十



二合七一合六三合八四合九居中者五與十合也

天一地二天三地四天五地六天七地八天九地十天數五地數五五位相得而各有合天數二十有五地數三十凡天地之數五十有五此所以成變化而行鬼神也
 天一生水地六成之地二生火天七成之天三生木地八成之地四生金天九成之

洛書洪範



洛書負文于背戴九履一左
 三右七二四爲肩六八爲足
 而五居中禹次第之成九疇
 箕子推演成篇初一日五行
 次二曰敬用五事次三曰農
 用八政次四曰協用五紀次
 五曰建用皇極次六曰乂用
 三德次七曰明用稽疑次八
 曰念用庶徵次九曰嚮用五
 福威用六極

洛書之數一合九而爲十二
 合八而爲十三合七而爲十
 四合六而爲十五居中央縱
 橫皆十五而合數也

西山蔡氏曰先天六十四卦圓布者乾盡午中坤盡子中離盡卯中坎盡酉中陽生于子中極于午中陰生于午中極于子中其陽在南其陰在北 方布者乾始于西北坤盡于東南其陽在北其陰在南此二者陰陽對待之數圓于外者爲陽方于中者爲陰圓動爲天方靜爲地也

朱子欲取圓圖中方圖在外虛圓圖以象太極今攷乾坤至震巽八正卦也泰否咸損既未濟恒益卽八卦之交不交也

圓圖旣居南今轉而居西北

內乾八卦居北
外乾八卦居南

坤居北今轉居


東南

內坤八卦居南
外坤八卦居東

而艮兌坎離震巽皆易其位于以見方

圖不啻有一定之位而有變動交易之義也

圖圓方天中後先卦四十六



外圖先天中
圖中天內圖
後天內方象
地三天各以
數言而後天
卦次即文王
所序者也
四圖併一以
見造物之全
體矣離明正
中而三天卦
位各有一定
之體此不泥
布也

胡氏曰嘗因邵子子半之說推之以卦分配節候復爲冬至子之半頤屯益爲小寒丑之初震噬嗑隨爲大寒丑之半无妄明夷爲立春寅之初賁既濟家人爲雨水寅之半豐震革爲驚蟄卯之初同人臨爲春分卯之半損節中孚爲清明辰之初歸妹睽兌爲穀雨辰之半履泰爲立夏巳之初大畜需小畜爲小滿巳之半大壯大有夬爲芒種午之初至乾之末交夏至午之半此三十二卦皆進而得震離兌乾巳生之卦也姤爲夏至午之半大過鼎恒爲小暑未之初巽井蠱爲大暑未之半升訟爲立秋申之初困未濟解爲処暑申之半渙坎蒙爲白露酉之初師遯爲秋分酉之半咸旅小過爲寒露戌之初蹇漸艮爲寒露戌之半謙否爲立冬亥之初萃晉豫爲小雪亥之半觀比剝爲大雪子之初至坤交冬至子之半此三十二卦皆進而得巽坎艮坤未生之卦也二分至四立總爲八節每節各計兩卦如坤復爲冬至无妄明夷爲立春同人臨爲春分之類是也如十六氣每氣各計二卦如頤屯益爲小寒至觀比剝爲大雪之類是也八節計十六卦十六卦合爲六十四卦此卦配氣也小雪後陽一日生一分積三十日陽生三十分而成一畫故爲冬至小滿後陰一日生一分積三十分而成一畫故爲夏至陽積六畫而爲乾乾當四月其中氣謂之小滿者不可大也大則亢矣積陰六畫而爲坤坤當十月謂之陽月者陽不可無也無陽則純陰用事矣國家長治而不亂者戒盈滿崇陽而抑陰也

先天卦分二十四氣圖



先天圖一日一箇如是道理一月有一箇如是道理以至元會運世十二萬九千六百歲亦只是一箇道理且以月言之自坤而震月之始生初三日也至兌則月之上弦初八日也至乾則月之望十五日也至巽則月之虧十八日也至艮則月之下弦二十三日也至坤則月之晦三十日也

二十支位藏于旺十干生墓圖

天子父輪
陽順陰逆

地支五行
生墓定位



旺日十干司權之日也金生在巳木生在亥火生在寅水土長生居申此五行生墓定位也長生沐浴冠帶臨官帝旺衰病死墓絕胎養此五行輪次十二位循環定局也沐浴曰敗臨官為祿陽生陰死陽死陰生此天子清氣相貫通更生死之機也甲陽木乙陰木丙陽火丁陰火戊陽土己陰土庚陽金辛陰金壬陽水癸陰水是十干之陰陽也陽金生于巳死于子陰金生于子死于巳餘皆同也

論五行氣序相生陰陽之運往過來續木火土金水
終始循環六氣之序歲氣起于子中盡于子中子午
之歲始冬至燥金三十日後禪于寒水以至相火日
各六十者五小雪以後其日三十復終于燥金丑未
之歲始冬至寒水三十日以次禪復終于寒水寅申
以下皆然如是六十年至千萬年氣序相生無間非
小寒之末無所授大寒之初無所承隔越一氣不相
接續而截自大寒而次季初氣之首也造化之妙內
經秘而未發啓玄子未言楊子建昉推得之

性理
吳澄

二十四氣七十二候圖

伏羲畫卦著象以制曆體天法地命大撓作甲子定曆數黃帝復作
 壬遜以推時變少昊命鳳鳥氏司曆玄鳥氏司分伯趙氏司至青鳥
 氏司啓丹鳳氏司閉位至五鳩九鴈九雉之上古聖王重曆如此



一歲之間寒暑涼燠四氣流行陰陽韶占四變運
用非四氣無以管籥四時非四變無以流通八節
四氣常在子午卯酉天四正而四變正臨申丙庚
壬之宮蓋春仍冬政其氣猶寒二月驚蟄朔氣值
甲而變其氣爲韶計三十日其日多積天地之啓
氣所以變化也既變之後則春分之燠氣始得以
生物矣夏仍春令其氣猶燠至五月芒種朔氣值
丙而變其氣爲陰計三十日其時多陰天地之合
氣所以變化也變化之後則夏至之暑氣始得以
長物矣秋初夏政其氣猶暑至八月白露朔氣值
庚而變化其氣爲占計三十日其日多陰天地之
沴氣所以變化也變化之後則秋分之涼氣始得
而成物矣冬初秋令其氣猶涼至十一月小雪之
朔氣值壬而變其氣爲陽計三十日其日多晴天
地之閉氣所以變化也變化之後則冬至之寒氣
始得以收物矣然四氣不分南北以其乘中正之
氣得天度之多故地之應亦均而四變則有差殊
故江北無陰江南無韶西土無占東邦無陽以天

度不齊地氣流行有偏南其氣順爲歲稔氣逆爲
年凶故四時之候各有氣運故立春至春分厥陰
風木主之謂之生氣清氣至于小滿少陰君火主
之謂之舒氣芒種至大暑少陽相火主之謂之長
氣立秋至秋分太陰濕土主之謂之化氣寒露至
小雪陽明燥金主之謂之收氣大雪至大寒太陽
寒水主之謂之藏氣而一氣運于甲子冬至之朔
二氣運于甲戌霜降之朔三氣運于甲申處暑之
朔四氣運于甲午夏至之朔五氣運于甲辰穀雨
之朔六氣運于甲寅雨水之朔故天運而申左旋
地氣隨支于而右轉一闔一闢生化無窮故一氣
司四節計一十五日每候司五辰皆在天度計五
度弱而與時變化鬼神之情狀俱有定數可占焉

甲遁五年小變十年大變黃帝以壬遁天氣蓋以
冬至陽生之始生長收藏俱自此而始也山川氣
運亦自此而改故冬至爲天元陽遁其始于壬夏
至爲地元陰遁其始于丙人中六氣終于甲鬼中

五煞終於庚天運起于六辛地建肇于六癸六乙
六丁丑爲三奇戊己分宮俱爲直使故甲庚而壬
所以爲體乙辛丁癸所以爲用戊己所以爲化成
之基也法以冬至天乙造端黃鍾應律行氣于地
復卦一陽肇于窮泉故以陽遁起于冬至之日半
夜甲子順飛六甲得遁于坎而六己爲使到坤甲
申到震六庚爲使甲午到巽六辛爲使甲辰到中
寄體于坤六壬爲使甲寅到乾六癸爲使于是逆
布六乙到離六丙到艮六丁
到兌以爲三奇是爲一局

七十二候

郎瑛東風解凍凍結于冬遇春風而解
也曰東者東方木火母也火氣溫故解

凍蟄藏也

振動也負冰上遊而近水也雨去聲正

月中天一生水生木者也獺一名水狗歲始而魚

上則獺取以祭徐氏曰獺祭圓鋪圓者水象也豺

祭方鋪方者金象也候鴈北月令漢書作鴻鴈北

陽氣達而止也天地氣交泰故艸木萌生發動也

桃始華呂覽作桃李華倉庚亦作鷓黃鷓也章龜

經曰倉清也庚新也感春陽清新之氣而初出故名又曰黃鳥曰搏黍曰黃袍僧家謂之金衣公子其色黧黑又名鷲黃諺曰黃栗留黃鷲兒皆二種也鳩卽布穀仲春之時鷲喙尚柔不能捕鳥瞪目忍飢如痴而化故曰鳩鳩化者反婦舊形之謂故春化鳩秋化鷹如田鼠之于鴛也若腐艸雉爵皆不吉化不復本形者也方氏曰陽生于子終于午至卯而中分仲春之中正陰陽適中故曰分玄鳥春分來秋分而去也四陽漸盛陰陽相薄雷乃發聲也乃者象氣出之難也電陽光也四陽盛長氣洩而光生也曆解曰凡聲陽也光亦陽也易曰雷電合而章公羊曰電者雷光也徐氏曰雷陽電陰非也時有入風而獨指清明爲節者此風屬巽萬物齊乎巽物至此時皆潔齊也桐有三種華而不實曰白桐爾雅所謂榮桐木也皮青而結實曰梧桐一曰青桐淮南子謂梧桐斷角也生于山岡子大而油曰油桐毛詩謂梧桐不生山岡也今始華白桐也埤雅謂桐與天地合氣者也今造琴瑟

以花桐是白桐也田鼠鼯鼠形大而頭似兔尾有
毛青黃色生田中鴛鶉也說文注鴛曰鶉母鮑氏
曰鼠陰類鴛陽類陽氣盛故陰爲陽所化也虹蜺
卽蝶竦俗爲之蛞注疏曰是陰陽交會之氣朱子
曰日與雨交天地淫氣也虹爲雄色赤白蜺爲雌
色青白也穀雨雨去聲雨其穀于水也萍與水平
故曰萍漂流隨風又曰藻曆解曰萍陰物靜以承
陽也拂羽飛而翼拍其身氣使然也勝者首毛如
勝蠶候也螻蛄好夜出俗名土狗一名螻蛄一名
鼯鼠一名鼯音斛陰氣始故螻蛄丘蟬應之夏小
正穀鳴是也有五能不能成一技飛不能過屋緣
不能窮木游不能渡谷穴不能覆身走不能先人
故說文稱鼯爲五技之鼠古今注又以螻蛄名鼯鼠
埤雅本艸俱以爲臭蟲陸德明鄭康成以爲蛙皆
非也蚯蚓卽地龍一名曲蟾曆解曰陰而屈者乘
陽而伸見也圖經云王瓜生于野田澤墻垣藜似
括樓烏藥圓無丫缺有毛如刺蔓生五月開黃花
花下結子如彈丸生青熟赤根似葛細而多糝又

名土瓜一名落鳩瓜今藥中所用也鄭玄以爲草
挈本艸作菝蕘陶隱居非之蓋二物異種也埤雅
以荼爲苦菜鮑氏曰感火氣而苦味成爾雅云不
榮而實曰秀榮而不實曰英此苦菜宐言英也蔡
邕以爲苦蕒非也鄭康成鮑景翔皆云藤艸葶蔕
之屬禮注艸之枝葉靡細者方氏曰凡物感陽生
者彊而立感陰生者柔而靡藤艸則至陰所生也
故不勝陽而死麥以夏爲秋螳螂飲風食露感一
陰之氣而生能捕蟬又名殺蟲又曰天馬言其飛
捷如馬也又曰斧蟲以前二斧足也深秋生子于
林木一殼百子至此時破殼而出藥中謂之螻蛸
生于桑者佳鷓卽百勞本艸作博勞而朱子孟注
謂博勞惡聲之鳥梟類也曹植惡鳥論百勞五月
鳴其聲鷓鷓禽經注百勞不能翱翔直飛而已詩
七月鳴鷓鷓周七月夏五月也諸書以反舌爲百舌
鳥能反覆其舌詩疏謬以爲蝦蟇謂蛙屬舌尖向
內今辨其非易通卦驗丹鉛餘錄俱作蝦蟇無聲
若以五月正鳴殊不知初旬見形後形亦藏矣陳

氏謂反舌感陽而發遇微陰而無聲也韻會曰夏
 假也至極也萬物假大而至極故曰夏至鹿山獸
 形小屬陽角支向前麋澤獸形大屬陰角支向後
 夏至一陰生鹿感陰氣而角解冬至一陽生麋感
 陽氣而角解蜩蟬之大而黑色者蜩蟬蛻殼而成
 雄者能鳴雌者無聲今俗稱蜘蛛按蟬乃總名鳴
 于夏為蜩莊子謂蟋蟀夏蟬也鳴于秋曰寒蜩即
 楚辭寒蜩也風土記曰蟋蟀鳴朝寒蜩鳴夕今初
 秋夕陽聲疾小而綠色俗稱都了是也半夏藥名
 居夏之半而生也溫熱之風至小暑而極故曰至
 蟋蟀一名葦音拱一名蜻蛚即今之促織蓋肅殺
 之氣初生則在穴感之深則在野而鬪鷹始擊月
 令鷹乃學習應氏曰殺氣未肅驚鳥始習擊搏迎
 殺氣也螢曰丹良曰丹鳥曰夜光曰宵燭離明之
 極則幽陰至微之物亦化而為明詩熠燿宵行另
 一種也形如米蟲尾亦有火不言化者不復原形
 也土氣潤故蒸鬱為溽濕俗稱齷齪熱是也前漢
 濕暑而後候則大雨時行以退暑也涼風禮作盲


風西方淒清之風也溫變而肅也大雨之後涼風
來天氣下降范范而白尚未凝珠故曰白露降秋
金色也寒蟬爾雅曰寒蟬蟬小而青紫者馬氏曰
物生于暑者其聲變之矣處止也暑氣止也鷹義
禽也秋金爲義金氣肅殺鷹感其氣始捕擊必先
祭之猶人飲食必先祭祖也不擊有胎之禽故曰
義秋者陰之始故曰天地始肅禾者穀連藁稭之
總名又稻秫菰粱之屬皆禾也成熟曰登鴻鴈淮
南子作候鴈自北而來南也燕乃北方之鳥故曰
啼養羞謂藏美食以備冬月之養也淮南子作羣
鳥翔三人以上爲衆三獸以上爲羣羣者衆也雷
于八月陰中故收聲入地萬物隨入也坏音培陶
瓦之泥曰坏細泥也禮注坏益其蟄穴之戶使通
明處稍小至寒甚乃瑾塞之也禮注水春氣所
春夏氣至故長秋冬氣返故涸也鴈後至者爲賓
通書作來濱濱水際也雀小鳥其類不一此黃雀
也國語雀入大海爲蛤寒嚴所致此蜚化爲潛也
蛤蚌屬之小者菊獨華于陰故曰有也正應季秋

土壬之時故言其色也祭獸以獸祭天報本也方
鋪而祭秋金之義月令作豺乃祭獬戮禽艸木黃
落色黃搖落也咸俯皆垂頭寒涼不食也淮南子
作俛水面初凝未至于堅故曰始冰土氣凝寒未
至于坼故曰始凍雉野雞也鄭康成淮南子高誘
俱注蜃爲大蛤玉篇亦然墨子又曰蚌一名蜃蚌
非蛤類乎禮注爲蛟屬埤雅以蚌蜃各釋似非蛤
類本艸云車螯是大蛤一名蜃能吐氣爲樓臺章
龜經曰蜃大者爲車輪島嶼月間吐氣成樓與蛟
龍同也則是蛤矣爾雅翼引周禮諸家辨蜃爲蛤
甚明禮注以雉由蛇化之說故以雉子爲蜃埤雅
既曰似蛇而大腰下盡逆鱗知之悉矣然後疑之
一曰狀似螭龍有耳有角則亦聞之者耳不若本
艸龜經爲是卽一物耳大水淮也晉語曰雉入于
淮爲蜃小雪者雨下而爲寒氣所薄故凝爲雪小
而未盛也禮注陰陽氣交爲虹陰陽極故虹伏虹
非有質故曰藏亦言其氣下伏也閉塞成冬故天
氣升地氣降天地變而各正其位不交則不凝

閉塞也禽經曰鵙毅鳥也似雉而大有毛角鬪死
方已古人取爲勇士冠名坪雅云黃黑色故名揭
據此陽鳥感六陰之極而不鳴郭璞方言似雞冬
無毛晝夜鳴卽寒號蟲陳皓與方氏亦曰求旦之
鳥皆非也夜旣鳴何謂不鳴耶丹鉛餘錄作鴈淮
南子作鴝鴒詩注作渴旦虎感微陽氣益甚而交
本艸謂荔爲蠹實卽馬薤鄭康成蔡邕高誘皆然
說文云荔似蒲而小根可爲刷與本艸同但陳皓
注爲香艸附和者卽以爲零陵香殊不知零陵香
自生于三月也六陰寒極之時蚯蚓交結如繩水
者天一之陽所生一陽初生故泉動也十二月初
寒尚小故曰小寒月半則大矣鄉音向鄉導之義
二陽之候鴈將避熱而南今則向北飛至立春皆
歸矣禽鳥得氣之先故也冬至天元之始至後二
陽已得來年之節氣鵙遂爲巢知所向也雉文明
之禽陽鳥也雉音妬雌雄同鳴也感于陽而後有
聲也乳育也馬氏曰雞木畜麗于陽而有形故乳
在立春節也征伐也殺伐之鳥鴈隼之屬至此而

猛厲迅疾也陳氏曰水初凝水面而已至此徹上
 下皆凝故曰水澤腹堅腹猶內也○右氣候圖解
 攷索頗詳其中以五技為鼃鼠而指螻蛄或他書
 鼃鼠之辯有說也既辨鳴鴟非蝦蟇矣而復引博
 勞惡鳥即象似與杜宇之類未同也鶡旦作鷓鴣
 之類乃歸于寒號蟲似種類不必然矣雉响以朝
 若响于鼎之類果雌雄交鳴耶又論鳩蓋已不詳
 而蛤雉蜃蚌各據其說然于精切猶未盡也其序
 見于統紀其餘散見各月
 中茲不敢臆度而弭解云

二十支官屬分野宿度圖



周禮保章氏掌夫星以星土辨九州之地所封封域皆有分星以觀妖祥議者謂周在中土而星之應在南魯在東而星之應在西齊在東而星之應在北似無可考睹傳記所載十二國災祥之應又皆驗可徵

淮南子中央曰鈞天其星角亢氐

韓鄭分野

東方曰蒼

天其星房心尾東北曰變天

陽氣始作萬物萌芽故曰變天

其星

箕斗牽牛

尾箕析木燕之分野斗吳之分野牽牛星紀越之分野

北方曰玄

天其星須女虛危營室

虛危玄枵齊之分野

西北方曰幽天

幽陰也

其星東北奎婁

營室東北一名承雲肅之分野奎婁一名降婁魯之分野

西方曰皓天

皓白金色或作昊

其星胃昴畢

昴畢大梁趙之分野西

南方曰朱天

朱陽也少陽云

其星觜鶩參東井

觜鶩參實沈晉之分野

野

南方曰炎天其星輿鬼柳七星

柳七星張鶉火周之分野

東

南方曰陽天

純乾故曰陽

其星張翼軫

鶉尾楚分

星經二十八宿

音夙

分布周天天無體以二十八宿

爲體謂之經分之三百六十有五度四分度之一

角亢在辰

氏一在辰

氏二過卯

房心在卯

尾二在

卯

卯三過寅

箕在寅

斗三在寅

四過丑

牛在丑

在丑二過子

虛在子

危十二在子

十三過亥

室壁

在亥奎一在亥

二過戌

婁在戌

胃三在戌

四過酉

卯在酉

畢六在酉

七過申

觜參在申

井八在申

在未

鬼在未

柳三在未

四在午

星在午

午十五過巳

翼軫

在巳軫十過辰

分野

晉志

角亢

氏鄭

兖州東郡

入角一度

東平任

畱入亢五度

濟陰入氏

一度

東平入氏

七度

心宋豫州

潁川入房

一度

汝南入房

二度

房四度

梁國入房

五度

淮陽入心

一度

三度

楚國入心

四度

尾箕燕幽州

上谷入尾

一度

魯國入心

一度

魯國入心

一度

度漁陽入尾三度右北平入尾七度西河上郡北
地遼西東入尾十度涿郡入尾十六度渤海入箕
一度樂浪入箕三度玄菟入箕六度廣陽入箕九
度涼入箕十度斗牽牛須女吳城揚州九江入
斗一度廬江入斗六度豫章入斗十度丹陽入斗
十六度會稽入斗一度臨淮入斗四度廣陵入斗
八度泗水入女一度六安入女六度虛危齊青
州齊國入虛六度北海入虛九度濟南入危一度
樂安入危四度東萊入危九度平原入危十一度
淄川入危十四度管室東壁衛并州安定入管
室一度隴西入管室四度天水入管室八度酒泉
入管室十一度張掖入管室十二度武都入東壁
一度金城入東壁四度武威入東壁六度燉煌入
東壁八度奎婁胃魯徐州東海入奎一度瑯琊
入奎六度高密入婁一度城陽入婁九度膠東入
胃一度昴畢趙冀州魏郡入昴一度鉅鹿入昴
三度常山入昴五度廣平入昴七度中山入昴八
度清河入昴危度信都入畢三度趙郡入畢八度

安平入畢一degree 河間入畢十degree 真定入畢十三degree

尚參晉益州廣漢入觜一degree 越巂入觜三degree 蜀

郡入參一degree 犍爲入參三degree 牂牁入參五degree 益州

入參七degree 巴郡入參八degree 漢中入參九degree 東井

輿鬼秦雍州雲中入東井一degree 定襄入東井八degree

鴈門入東井十六degree 岱郡入東井二十八degree 太原

入東井二十九degree 上黨入輿鬼二degree 柘七degree 星張

周三度 輔弘農入柘一degree 河南入七星三degree 河東入

張一degree 河內入張九degree 翼軫楚荊州南陽入翼

六degree 南郡入翼十degree 江夏入翼十二degree 零陵入軫

十一degree 桂陽入軫六degree 武陵

入軫十degree 長沙入軫十六degree

當度爲宿 續博物志二十八宿爲有二十八星當


度星旣不當度自不當用爲宿星度皆以

赤道爲法黃道則有邪有直與赤道不等

九重天圖

第一重天自東而西

九重至九重皆自西而東



高皇帝與諸儒論乾旋

之理日月五星運行

之道皆以蔡氏言天

體左旋日月亦左旋

謂蔡氏之謬也

帝自謂起兵二十三年

知天體左旋日月五

星右旋非尋常之機

一日之辯也詳

御製集七曜大體循環

論○按言天者諸家

亦有異同若佛經又

是一說故併諸說略


載大槩以備參攷而

此圖即大內國之文

也見後圖說

利西江云余嘗留心量天地法從大西洋天文諸士討論已久茲述名數以便
覽或問地球比九重天之星遠大幾何曰地球既每度二百五十里則知三百
六十度爲地一週九萬里計地面至中心隔一萬四千三百一十八里零十八
丈地心至第九重月輪天四十八萬二千五百二十餘里至第八重天九十一萬
八千七百五十餘里至第七重天二百四十萬零六百八十一餘里至第六重
日輪天一千六百零五萬五千六百九十餘里至第五重天二千七百四十一
萬二千一百餘里至第四重天一萬二千六百七十六萬九千五百八十四餘
里至第三重天二萬五千七百七十七萬零五百六十四餘里至第二重天三萬二
千二百七十六萬九千八百四十五餘里至第一重謂宗動天六萬四千七百
三十三萬八千六百九十餘里此九層相包如蔥頭皮皆硬堅而日月辰星定
在其體內如木節在板因天而動第天體明無色則能通透光如琉璃之類若
二十八宿星之上等每各大于地球一百零六倍又六分之一其二等各星大
于地球八十九倍又八分之一其三等各星大七十一倍又三分之一其四等
星大五十三倍又十二分之一其五等星大三十五倍又八分之一其六等星
大十一倍又十分之一夫此六等皆在第二重天也土星大于地球九十倍又
八分之一木星大于地球九十四倍又一半分火星大于地球半倍日輪大一百
六十五倍又八分之三地球大于金星三十六倍又二十七分之一大于水星
一萬一千九百五十一倍大于月輪三十八倍又三分之一則日大于月六千
五百三十八倍又五分之一

天文圖



星有大小明闇三
色其最大者紅次
黑色最小者青色

步天歌

上垣

上垣天廷太微宮昭昭列象布蒼穹

門左皂衣一謁者以次卽是烏天三公三黑九卿公

背旁五黑諸侯卿後行四箇門西主軒屏五帝內

坐于中正幸臣太子并從官烏列帝後從東定郎

位虎賁居左右常陳郎將居其後常陳七星不相

悞郎位陳東一十五兩面星垣十星布左右執法

是其數宮外明堂布政宮三箇靈臺候雲雨少微

四星西南隅長垣雙雙後西居北中垣中垣北極

門西南接三台與垣相對無兵災
極五星在其中大帝之座第二珠第三之星庶子
居第一號曰為太子四為后宮五天樞左右四星
是四輔天乙太乙當門路左樞右樞夾南門兩面
營衛一十五東蕃左樞連上宰少宰上輔次少輔
上衛少衛八上丞後門東邊大贊府西蕃右樞次
少尉上弼少弼四相視上衛少尉七少丞以次却
向前門數陰德門裏兩黃聚尚書以次其位五女
史柱史各一戶御女四星五天柱大理兩黃陰德

勾陳尾指北極顛勾陳六星六甲前天皇獨在
柄象華蓋形蓋上連連九箇星名曰傳舍如連丁
垣外左右各六珠右是內街左天廚階前八星名
入穀廚下五箇天棂宿天床六星左樞在內廚二
星右廚對文昌斗上半月形稀疏分明六箇星文
昌之下曰三師天槍只向三公明天牢六星太尊
邊太陽之首四勢前一箇宰相太陽側更有三公
相西偏杓下玄戈一星圓天理四星斗裏暗輔星
近着暗陽淡北斗之宿七星明第一主帝名樞星
第二第三璇璣是第四名權第五衡下垣下垣一
開陽搖光六七名紫宮之次是諸星
市兩扇垣牆二十二當門六角黑市樓門左兩黃
是車肆兩箇宗正四宗人宗星一雙亦依次帛度
兩星屠肆前候星還在帝座邊帝座一星常光明
四箇微茫宦者星以次兩星名列肆斗斛帝前依
其次斗是五星斛是四垣北九箇貫索星索口橫
着七公成天紀恰似七公形數着分明多兩星紀

北三星名女床此坐還依織女旁三垣之象無相
侵二十八宿隨其陰水火木土并與金以次列有

五行

吟

二十八宿歌角

兩星南北正直着中有黑道上天
田總是黑星兩相連別有一烏名

進賢平道右畔獨淵然最上三星周鼎形角下天

門左平星雙雙橫于庫樓上庫樓十星屈曲明樓

中五柱十五星三三相似如鼎形其亢四星恰似

中四星別名衡南門樓外兩星橫彎弓狀大

角一星直上明折威七子亢下橫大角左右攝提

星三三相相似如鼎形折威下左頓頓星兩箇斜安

黃色精頑下二星號陽氏四星似斗側量米天乳

門色若頓頓直下存氏上黑一星並人不識

稱無名一箇招搖梗河上梗河橫列三星狀帝席

三黑河之西亢池六星近攝提氏下衆星騎官出

騎官之衆二十七三三相連十欠一陣車氏下騎

官次騎官下三車騎位天輻兩星立陣旁將軍陣

官次騎官下三車騎位天輻兩星立陣旁將軍陣

裏鏡房四星直下主明堂鍵閉一黃斜向上上鈎鈴
威霜房兩箇近其旁罰有三星直鍵上兩威夾罰

似房狀房西一星號爲心三星中央色最深下頭
百從官兩星日下出積卒共十二三三相聚

心下尾九星如鈎蒼龍尾下頭五點號龜星尾上
是尾天江四橫是尾東一箇名傳說傅說東畔

一魚子尾西一室是神箕四星形狀如簸箕箕下
宮所以列在后妃中箕三星如木杵箕前一黑

是糠斗六星其狀似北斗魁上建星三相對天弁
枳建上三三九斗下圓安十四星雖狀名隨

貫索形天雞建背雙黑星天籥柄前八黃精狗國
四方雞下生天淵十星鬣東邊更有兩狗斗魁前

農家大人斗下眠牛六星近在河岸頭牛下九黑
天淵十黃狗色玄牛是田田下三三九坎連牛

上直建三河鼓鼓上三星號織女左旗右旗各九
星河鼓兩旁右邊明更有四黃名天桴河鼓直下

如連珠羅堰三烏牛東居漸臺四星似口形輦道
東足連五丁輦道漸臺在何許欲得見時近織女

女

四星如箕主嫁娶十二諸國在下陳先從越國向東論東西兩周次二秦雍州南下雙鴈門伐

國向西一晉申韓魏各一晉北輪楚國一星魏西

屯楚城南畔獨燕軍燕西一郡是齊鄰齊北兩邑

平原君欲知鄭在越下存十六黃星細區分五箇

離珠女上星敗瓜珠上瓠瓜生兩箇各五瓠瓜明

天津九箇彈弓形兩星入牛河中橫**虛**上下各一

四箇奚仲天津上七箇仲側扶筐星**虛**連珠狀命

祿危非虛上星虛危之下哭泣星哭泣雙雙下壘

城天壘團圓十三星敗白四星城下橫白西三箇

離**瑜**三星不直舊先知危上五黑號人星人畔

明**危**三四杵白明人上七鳥號車府府上天鈎

九黃星鈎下五鷓字造父危下四星號墳墓墓下

四星斜虛梁十箇天錢梁下黃墓旁兩星能蓋屋

身著皂衣**室**兩星上有離宮出遶室三雙有六星

危下宿**室**下頭六箇雷電形壘壁陣次十二星

十二兩頭大似井陣下分明羽林軍四十五卒三

為壘軍西四下多難論仔細歷歷看區分三粒黃

金爲鐵鉞一顆真珠北落門門東八魁九箇子門

西一宿天網是電旁兩黑土工史騰蛇室上二十

二壁兩星下頭是霹靂霹靂五星橫着行雲雨之

旁土工兩奎腰細頭尖似破鞋一十六星遶鞋生

黑壁下藏外屏七鳥奎下橫屏下七星天潤明

司空左畔土之精奎上一宿軍南門河中六箇閣

道形附路一星道旁明五箇吐花王良星良星近

上一婁三星不勻近一頭左更右更鳥夾婁天倉

策名胃六箇婁下頭天庾三星倉東脚婁上十一

將軍胃三星鼎足河之次天廩胃下斜四星天國

侯十三如乙形河中八星名太陵陵北九箇

天船名陵中積屎一箇昂七星一聚實不少阿西

星積水船中一黑精昂月東各一星阿下五黃

天陰名陰下六鳥芻藁營營南十六天苑形河中

六星名卷舌舌中黑點天讒星彌石舌半斜四丁

畢畢似爪又八星出附耳畢股一星光天街兩星

畢背旁天節耳下八鳥幢畢上橫列六諸王王

下四皂天高星節下團圓九州城畢口斜對五車

星車有三柱任縱橫車中五箇天潢精潢畔咸池

三黑星天關一星車脚邊參旗九箇參脚間旗下

直建九旂連旂下十三鳥天園九旂天園參脚邊

觜 三星相近作參彙觜上座旗直指天尊卑之位

九相連司怪曲立座旗邊四鳥大近并越前

參 總有七星觜相侵兩肩雙足三為心伐有三星

足裏深三井四星右足陰屏星兩扇井南襟軍

井四星屏上吟左足下四**井**八星橫列河中靜一

天厠臨厠下一物天屎沉**井**星名越井邊安兩河

各三南北正天罇三星井上頭罇上橫列五諸侯

侯上北河西積水欲覓積薪東畔是越下四星名

水府水位東邊四星序四瀆橫列南河裏南河下

頭是軍市軍市團圓十三星中有一箇野雞精孫

子丈人市下列各立兩星從東說闕丘兩星南河

東丘下一狼光蓬茸左畔九箇彎弧弓一矢直射

頑狼臂有箇老人南極**鬼**四星冊方似木櫃中央

仲春秋出入壽無窮

鬼白者積歲氣鬼上四星

仲春秋出入壽無窮

是權位天狗七星鬼下是外厨六間柳星柳八星

次天社六星弧東倚社東一星名天紀

里似柳近上三星號為星七星星如鉤柳下生星上

酒享宴大脯五星守星十七軒轅形軒轅東頭

四內屏平丁三箇名天張六星似軫在星旁張下

相相下稷星橫五靈只是有天廟十四之星

册四方長垣少微雖向上星數翼二十二星大難

畝在太微旁太尊一星直上黃翼識上五下五橫

着行中央六箇恰似張更有六星在何處三三相

連張畔附必若不能分處所更請向前看野取五

箇黑星翼下頭欲軫四星似張翼相近中央一箇

知名字是東甌軫長沙子左轄右轄附兩星軍

門兩黃近翼是門西四箇土司空門東七鳥青

子青丘之下名器府器府之星三十二以上皆是

太微宮黃道

向上看取是

星野

劉伯溫曰晉志十二次分野始角亢者以東

方蒼龍為之首也唐志十二次始女虛危者

以子爲之首也。○石氏曰：東方青帝，其精蒼龍七宿，其象角亢氐房心尾箕氏胸房腹箕所糞也。司春，司木，司岱岳，司東方，司鱗蟲，三百有六十。西方白帝，其精白虎爲七宿奎象白虎婁胃昴象虎。三子畢象虎觜參象麟觜首參身也。司秋，司金，司西岳，司西海，司西方，司毛蟲，三百六十。南方赤帝，其精朱鳥爲七宿井首鬼目柳象星頸張喙翼。翮軫尾，司夏，司火，司南岳，司南海，司南方，司羽蟲，三百有六十。北方黑帝，其精玄武爲七宿有龜蛇蟠結之象，牛蛇象女龜象虛危室壁皆龜蛇蟠蚪之象，司冬，司水，司北岳，司五星。歲星曰攝提，曰北方，司介蟲，三百有六十。五星：重華曰經，星紀星東方青帝，靈威仰之使蒼龍之神，木德之精。歲行一次，十二年一周天，與太歲相應，故曰歲星。歲星主道德，主春，甲乙寅卯震司天下人君諸侯，又主農官，五福所居爲福。熒惑曰赤星，曰罰星，曰執法。南方赤帝，赤燁怒之使朱雀之神，火之精也。其行無常，出則兵起，主夏，火丙丁巳午離卦主火。

喪司天下羣臣過惡 填星曰地侯中央含樞紐
之使勾陳之神土之精也常晨出東方夕伏西方
共行二十八宿而一周天歲填一宿故曰填星主
四季其日戊巳辰戌丑未艮坤所在有福主司天
下女主之過 太白曰殷星曰太正曰營星明星
晨見東方曰啓明夕見西方曰長庚西方白帝白
招矩之使白虎之神金之精也太而色白故曰太
白秋令傷金氣則罰見之主兵其日庚辛申酉乾
兌出以辰戌入以丑未主威斷割殺故用兵必占
之 辰星曰能星曰鉤星曰司農北方黑帝叶光
紀之使玄武之神水之精也辰星之出常在四仲
出以辰戌入以丑未二旬而入晨候之東方夕候
之西方附日而行出入不違其時宰相之象又爲
廷尉主刑罰主冬令壬癸亥子坎所在有權智失
一時不出其時不和四時不出天下大飢○凡五
星木近日則遲遠日則疾火星近日則疾遠日則
遲土平行無太遲疾金水附日而行此大槩也○
凡五星東行爲順西行爲逆趨舍而前爲盈退舍

而後爲縮光而明滅不定曰動光明出而生鋒曰芒芒長四出曰角長而偏出曰彗同舍曰合同宿曰聚○凡天文在圖籍昭昭可知者經星常宿中外官凡百一十八名積數七百八十三星皆有州國宮宮物類之象其伏見早晚邪正存亡虛實闕陜及五星所行合散犯守陵歷鬪食彗孛飛流此皆陰陽之精其本在地而上發于天者○天者北辰星合元垂耀建帝形運機授度張百精三階九列二十七大夫八十一元士斗衡太徽攝提之屬百二十官二十八宿各布列下應十二子天地設位星辰之象備矣○衆星列布其以神著有五列焉是名三十五名一居中央謂之北斗動變挺占實司王命四布于方爲二十八宿日月運行歷示吉凶五緯經次用告禍福○中外之官常明者百二十有四可名者三百二十爲星二千五百而海人之占未存焉微星之數蓋萬一千五百二十庶物蠢蠢咸得繫命神守精存麗職宣明及其衰也

等款精數于是乎有隕星焉

天 地 儀



利山人山海地輿圖外
 圈天球載周天遠近晝夜
 長短冬長暑影相差之數
 及天度之槩若南北二極
 內外以縮中天則有有影
 無影圓影三四般之地皆
 言日輪之遠近也與此圖
 並布今纂入圖併詳歲令
 氣候中一年八季之下其
 山海圖中圈為地球內載
 大地包羅其中萬國略紀
 山川人俗方物摠分為五
 大州茲圖其大槩以備瑣
 覽○古稱九天曰中天羨
 天從天更天昏天廓天咸
 天沈天成天九霄曰神霄
 青霄碧霄丹霄景霄玉霄
 琅霄紫霄大霄九重天
圖見前

日 月 星 周 天 圖

日


太陽之精順天左旋
 天行一日常週三百
 六十五度四分度之
 一仍過一度日亦一日
 周而比天不及一度
 積三百六十五日四
 分日之一而與天會

月

太陰之精亦順天左
 旋一日常不及天十
 三度有奇不及日十
 二度有奇積二十七
 日有奇而與天會積
 二十九日有奇而與
 日會



冬 夏 風 雨 圖



日行失度出陽道多旱風出陰道多陰雨月失中道北入箕則大風揚沙西入畢則滂沱多雨按班固天文志日有中道月有九行九行者黃道一而餘四道各二黃中而兩道各出其旁其色皆隨方觀云陽用事則日自北而南近南則晝漸長氣漸溫極于南故晝極長為暑陰用事則日自南而北晝退而短近北則漸短極于北則愈短故日月之行自東以極乎北進為春夏極乎南退為秋

太陽中道之圖



中陸去南北極各九十一度半
 強春分日行中陸自春分而夏
 至漸行至北陸為夏至之日道
 自夏至而秋分由北陸而轉中
 陸為秋分之日道自秋分而冬
 至漸行至南陸為冬至之日道
 自冬至而春分由南陸而轉中
 陸為春分之日道
 日有永短由地有升降春秋分
 時地適當天之中其日出卯入
 酉且行中陸故長短勻由春分
 而夏至陽日升地日降而下其
 日出寅入戌且行北陸故永由
 秋分而冬至陽日降地日升而
 上其日出辰入申且行南陸故

短

管子曰北極出地上三十六度南極入地下亦三十六度當高之上又其南十二度爲夏至之日道又其南二十四度爲春秋分之日道又南二十四度爲冬至之日道南下去地三十一度而已是夏至日北去極六十七度春秋分去極九十一度冬至去極一百一十五度此其大率也南北極持其兩端其天與日月星宿斜而迴轉也○陸象山曰南北二極中等之處謂之赤道去南北極各九十一度春分日行赤道從此漸北夏至行赤道之北二十四度去北極六十七度去南極一百一十五度從夏至以後日漸南至秋分還行赤道與春分同冬至行赤道之南去南極六十七度去北極一百十五度其日之行處謂之黃道又有月行之道與日相近交路而過半在日道之裏半在日道之表其當交則兩道相合去極遠處兩道相去六度此日月行道大略也○晉書古言天者三家一曰蓋天二曰宣夜三曰渾天蔡邕云周髀者卽蓋天之說言天似蓋笠地法覆槃天地各中高外下北極之下爲天地之中其地最高而滂沱四隕三光隱映以爲晝夜天中高于外衡冬至日之所在六萬里北極下地高于外衡下地亦六萬里外衡高于北極下地二萬里天地隆高相從日去地恆八萬里日麗天而平轉分冬夏之間日所行道爲七衡六間○黃帝書曰天在地外水在天外水浮天而載地者也○周髀家云日朝

出陽中暮入陰中陰氣暗冥故沒不見夏時陽氣多陰氣少陽氣光明與日同輝故日出即見無蔽之者故夏日長也冬天陰氣多陽氣少陰氣暗冥掩日之光雖出猶隱不見故日短○春秋考異郵皆云周天一百七萬一千里一度爲二千九百三十二里七十一步二尺七寸四分四百八十七分分之三百六十二陸績云東西南北徑三十五萬七十里此言周三徑一也考之徑一不啻周三率周百四十二而徑四十五則天徑三十二萬九千四百一里一百二十二步二尺二寸一分七十一分分之十○續博物志云周圍三百六十五度四分度之一一度二千九百三十二里千四百六十一分里之三十四十八周天百七萬一千里者是天圓周之里數也以直徑三十五萬七千里此爲二十八宿周迴直徑之數也然二十八宿之外上下東西各有五千里是爲四遊之極謂之四表四表之內并是宿內總有三十八萬七千里然則天之中央上下正半之処則一十九萬三千五百里地在于中是地去天之數也○日有中道月有九行中道者黃道九行者黑道二出黃道北赤道二出黃道南白道二出黃道西青道二出黃道東○日循黃道東行一日一夜行一度三百六十五里有奇而周天行東陸謂之春南陸夏西陸秋北陸冬以成寒暑之節○輕清上浮蒼茫成色河漢界分于其中星宿昭懸于其上此天之本象也若夫雨露下墜霜

雪肅寒皆自天氣下降蓋天體而用陰雲氣飛騰風烟蒸鬱皆
自地氣上升蓋地體陰而用陽天不滿于西北則陰盛陽微西
北之地常多陰寒天低地厚日氣易及乃生和氣以成萬物地
不滿東南則陽盛陰微東南之地常多炎熱亦且江湖河海衆
水所聚四五月之時陽氣蒸其水脉時復爲雨而潮潤滋灌得
中以成萬物東南之氣春首三陽先動天地氣蒸文通夏不責
于時雨近湖則陽蒸水氣以成烟霧近海則陽蒸塵埃以成雲
靄近山則陽蒸嵐氣以成昏暝並皆遮天蔽日春夏則東南氣
如烟火秋冬則西北氣如陰霾此天道化令之常不足以占休
咎天以輕清爲德色變皆黑乃壘德不明之象傳曰清而明天
之體天忽變色是謂異常○日內黑而外光麗中天照耀萬物
有遲疾發斂南北之行日北而萬物生日南而萬物歿若夫春
日紅潤夏日炎蒸秋日燥烈冬日溫平皆吉徵也日者君象德
政無失百姓安寧則日華五采以兆徵祥德政有瑕人民怨咨
則日生變異以彰乖隱○月令通攷云日行西陸謂之春立春
月東從青道注云行西陸爲春行南陸爲夏行東陸爲秋行北
陸爲冬月行九道內爲陰曆外爲陽曆冬入陰曆夏入陽曆月
行青道冬入陽曆夏入陰曆月行白道春入陽曆秋入陰曆月
行朱道春入陰曆秋入陽曆月行黑道四序離爲八節至陰陽之所
交皆與黃道相會故月行有九道所謂日月之行則有冬有夏也

地 圖


和 寧



火州
土魯番

哈密

瓜 沙 蘇



月 人 黃 義

圖 兌

首 卷 廿 五

廣輿總攷

周禮職方氏掌天下之圖地辨其邦國都鄙四夷
八蠻七閩九貉五戎六狄之人民與其財用九穀
六畜之數要周知其利害乃辨九州之國使同貫
利○東南曰揚州其山鎮曰會稽其澤藪曰具區
其川三江其浸五湖其利金錫竹箭其民二男五
女畜宜鳥獸穀宜稻○正南曰荊州其山鎮曰衡
山其澤藪曰雲夢其川江漢其浸潁湛其利丹銀
齒其民一男二女畜宜鳥獸穀宜稻○河南曰豫
州其山鎮曰華山其澤藪曰圃田其川滎洛其浸
波澆其利梓漆絲枲其民二男三女畜宜六擾穀
宜五種○正東曰青州其山鎮曰沂山其澤藪曰
望諸其川淮泗其浸沂沐其利蒲魚其民二男二
女畜宜雞狗穀宜稻麥○河東曰兗州其山鎮曰
岱山其澤藪曰大野其川河洸其浸廬維其利蒲
魚其民二男三女畜宜六擾穀宜四種○正西曰
雍州其山鎮曰嶽山其澤藪曰弦蒲其川涇汭其

浸渭流其利玉石其民三男二女畜宜牛馬穀宜黍稷○東北曰幽州其山鎮曰醫無閭其澤藪曰豸養其川河沛其浸菑時其利魚鹽其民一男三女畜宜四擾穀宜三種○河內曰冀州其山鎮曰霍山其澤藪曰揚紆其川漳其浸汾潞其利松柏其民五男三女畜宜牛羊穀宜黍稷○正北曰并州其山鎮曰恆山其澤藪曰昭餘祁其川虒洹嘔夷其浸來易其利布帛其民二男三女畜宜五擾穀宜三種

天下輿地

廣輿圖東起朝鮮西至嘉峪南濱海北連沙漠道路紆縈各萬餘里○兩京十三布

政司總爲府一百六十羈縻十九州二百三十四

羈縻四十七縣一千一百五十四羈縻六實編里

六萬九千五百五十六戶一千零六十二萬一千

四百三十六口六千零六十九萬二千八百五十

六田土七百一萬三千九百七十六頃零夏

稅大小麥米四百六十萬五千二百四十二石八

斗零 麥收二百六十六石八斗零 絲綿并荒
絲二百七十一萬五千四十七兩零 稅絲本色

絲絲綿稅絲折絹人丁絲折絹農桑絲折絹麻布
苧布棉花折布土苧洞蠻麻布農桑絲折米鈔

租鈔稅鈔魚課鈔皆賦于夏項 秋糧米二千
二百三萬三千一百七十七石六斗零 魚課米二千

子易米粟株課米地畝棉花絨襪布課程棉布
人粗布課程苧蔴花利米牛租米穀絲絹麻苧鈔

山租鈔賃鈔椒麻課鈔苧蔴桐油紅花各賦皆有
定額○歲額太倉庫運銀一百四十九萬兩歲運

漕糧四百萬石○戶部鈔關商稅船料牙稅課鈔
鹽茶馬船各有定額○官制兩京都督府分隸各

都指揮使司十六行都指揮使司五畱守司二其
領衛四百九十三屬所二千五百九十三守禦千

戶所三百一十五儀衛司二十九犧牲所二 夷
官宣慰司二宣撫司十一安撫司二十二招討司

一長官司六十四蠻夷都司衛所長官司四百六

十三 **廣輿圖** 嘉靖以前四夷入貢各國東北朝

等二東日本一南安南占城等六西南淳沱等
四十九西哈喇等四十六西北哈密等七北朵顏
韃靼等二職方攷鏡四夷入貢者四十九處
藩封二十五府國除者不計 公五位侯二十五位

駙馬常增位伯三十五位 邊鎮十三遼東薊鎮
宣府大同山西延綏寧夏甘肅固原以上爲九邊
加保定鄖陽贛州
梧州共十三邊

京師北直隸

一統志略古幽薊之地凡八府十九州
一百一十六縣 長蘆鹽運司一都司

二 外領衛六十一 京衛七十八 東抵山東
南抵河南 西抵山西 北抵沙漠 東北抵

遼東順天府古幽都燕山凡五州二十三縣○

保定府古上谷清苑凡三州十七縣○河間府古

瀛海瀛洲凡二州一十六縣○永平府古北平孤

竹凡一州五縣○真定府古中山恒山凡五州二

十七縣○順德府古鉅鹿襄國凡九縣○廣平府

古武安曲梁凡九縣○大名府古陽平魏郡凡一

州十縣○延慶州古嬌川凡一縣○保定州古武定○萬全都司凡十五衛四所五堡○大寧都司

凡六衛
二所

南京南直隸

古金陵地凡一十四府十七州九十六縣
兩淮鹽運司一
中都畱守司領

衛八

直隸衛二十一

京衛四十八

東至海

西抵湖廣

西北

南抵浙江

西南抵江西

西抵湖廣

西北

抵河南

北抵山東

東北抵山東

○應天府古

濠

秣陵建業白下畱都建康凡八縣○鳳陽府古濠

梁國初為中立今之

中都凡五州十三縣○揚州府古維揚廣陵凡三州

七縣○淮安府古淮陰凡二州九縣○廬州府古

金斗廬江凡二州六縣○蘇州府古吳郡姑蘇凡

一州七縣○松江府古雲間凡三縣○常州府古

晉陵毗陵凡五縣○鎮江府古朱方南徐京口凡

三縣○徽州府古新安新都凡六縣○寧國府古

宣州府古六縣○池州府古秋浦池陽凡六縣

○池州府古秋浦池陽凡六縣

太平府古在熟平南凡三縣○安慶府古皖城

晉熙凡六縣○廣德州古桐汭凡一縣○和州古

歷陽南豫凡一縣○滁州古滁陽南譙

凡二縣○徐州古彭城武寧凡四縣

浙江古揚

凡十一府一州七十五縣

一都司領衛十六守禦所三十四

福建西南至福建江西西至南直

俱至南直○杭州府古武林錢唐凡九縣○嘉興

府古樵李嘉禾凡九縣○湖州府古吳興霅川凡

七縣○嚴州府古嚴陵新都凡六縣○金華府古

東陽寶婺凡八縣○衢州府古信安姑篾凡五縣

○寧波府古四明越東凡五縣○紹興府古東陽

會稽凡八縣○台州府古赤城回浦凡六縣○溫

州府古東歐東嘉凡五縣○處州府古縉雲括州

凡十縣○安吉

江西古揚州地凡十三府一州七

州屬湖州府

儀衛司二羣牧所二

建南至廣東西南西北正西俱抵湖廣正

北東北俱抵南直隸○南昌府古豫章洪都凡一
州七縣○瑞州府古瑞陽筠州凡三縣○廣信府
古信州上饒凡七縣○建昌府古盱江建武凡五
縣○撫州府古昭武臨汝凡五縣○吉安府古廬
陵螺川凡九縣○臨江府古城洪州凡四縣○
袁州府古宜陽宜春凡四縣○饒州府古芝城鄱
陽凡七縣○南康府古星渚匡廬凡四縣○贛州
府古章貢虔州凡十二縣○九江府古湓城江州
潯陽凡五縣○南安府古橫浦凡四縣○虔
鎮軍門轄七衛十八所二百五十六寨隘 福建
古閩越地凡八府一州五十八縣 提舉司一鹽
運司一都司二領衛十六所十一 正東正南俱
抵海 西南抵廣東 西抵江西 北抵浙江○
福州府古晉安閩中凡九縣○泉州府古溫陵清
源凡七縣○興化府古莆陽平海凡二縣○建寧
府古建安富沙凡八縣○延平府古劔浦延津凡
七縣○邵武府古昭武樵川凡四縣○汀州府古
臨汀鄞江凡八縣○漳州府古清漳漳浦凡十縣

○福寧州古長湖廣古荆州地凡十五府十六州

一 莫領衛二十八所二十五儀衛司六羣牧所

三 宣慰司二宣撫司四安撫司九長官司二十

五 東抵江西東南抵廣東南抵廣西西北抵陝西東北抵

南直隸北抵河南○武昌府古鄂渚江夏凡一

州九縣○漢陽府古漢津沔川凡二縣○黃州府

古齊安永安凡一州八縣○承天府

興都古郢中石城凡二州五縣畱守司與鳳陽同○

德安府古漢東潁州凡一州五縣○荊州府古南
郡郢都凡二州十一縣○岳州府古岳陽巴陵凡一
州七縣○襄陽府古南雍襄州凡一州六縣○鄖
陽府古錫穴鄖鄉凡七縣○鄖鎮軍門轄行都司
凡七衛八所○常德府古常德武陵凡四縣○辰
州府古酉陽黔中凡一州六縣○長沙府古星沙
熊湘三湘凡一州十一縣○寶慶府古邵陵濱陽
凡一州四縣○衡州府古湘東衡陽烝陽凡一州

八縣○永州府古營陽零陵凡一州六縣○靖州古渠陽凡四縣○郴州古桂陽凡五縣○施州衛

古清江軍民千戶所一宣撫司三安撫司八長官司十三○永順軍民宣慰司古靈溪領土官三

州長官司六○保靖州軍民宣慰司古青兗古古溪隸湖廣都司領長官司二

凡六府十五州八十九縣提舉司一鹽運司一都司領衛二十一所十三儀衛司三羣牧所

二東抵海西抵北直南抵南直北抵北直西南抵河南東北抵女直○濟南府古臨

淄歷下凡四州二十六縣○兗州府古東魯股丘凡四州二十三縣○東昌府古博平南冀凡三州

十五縣○青州府古齊郡青社北海凡一州十三縣○登州府古東牟凡一州七縣○萊州府古東

萊凡二州五縣○遼東都司古遼山西古冀州地海遼陽東平凡二州二十五縣

九州八十縣行太僕寺鹽運司都司二領衛二十八所十三儀衛司三羣牧所三東氏

儀衛司三羣牧所三東氏

北

西南抵陝西 西北抵沙漠 東北抵北

直 東南正南俱抵河南 太原府古晉陽太原

凡六州二十二縣 平陽府古河東晉寧凡六州

二十九縣 大同府古雲中代郡凡四州七縣

潞安府古上黨壺關凡八縣 汾州府古西河汾

陽凡四縣 遼州古樂平凡二縣 澤州古高都

凡四 河南 古豫州地凡八府十二州九十六縣

縣 都司領衛十四所七 儀衛司五羣牧

所三 提舉司一 東抵南直 西抵陝西 西北

北抵山西 南抵湖廣 北抵北直 東北抵北

直山東 開封府古大梁汴梁凡四州三十縣

歸德府古碭郡南亳凡一州八縣 河南府古雒

陽周南凡一州十三縣 彰德府古魏郡鄴郡清

都凡一州六縣 衛輝府古汲郡朝歌凡六縣

懷慶府古覃懷河內凡六縣 南陽府古宛州凡

二州十一縣 汝寧府古汝南天中凡二州十二

縣 汝州古臨 陝西 古雍州地凡八府二十一州

汝梁和凡四縣 九十三縣 行太僕苑監鹽

課司茶馬三衛 都司二領衛四十三所二十

儀衛司四羣牧所三 東抵山西河南 南抵四

川 東南抵河南湖廣 西南抵西番 西北抵

沙漠 東北正北俱抵沙漠 西安府古關中長

安京兆凡六州三十縣 鳳翔府古西京秦平扶

風凡一州七縣 漢中府古漢川梁州凡二州十

四縣 平涼府古安定涇原凡三州七縣 鞏昌

府古隴西天水凡三州十四縣 臨洮府古武始

金城隴西凡二州三縣 慶陽府古北地弘化凡

一州四縣 延安府古金明上郡凡三州十六縣

○寧夏衛古朔方凡四衛 洮州衛古洮陽凡三

所 一茶馬司 岷州衛古西和凡五所 河州衛

古安鄉凡七所 一茶馬司 靖虜衛古會寧枝陽

凡四所 行都司古張掖酒泉凡十二衛二所

四川 古梁州地凡八府二十一州一百七縣四軍

衛司一 宣撫司三 宣尉司一 招討司一 安撫司

八長官司四十七 東抵湖廣 東南抵貴州

西南抵雲南 西抵西番 北抵陝西 成都府

古蜀郡益州錦城凡六州二十五縣 保寧府古

巴西閬中凡二州八縣 順慶府古宕渠羅州凡

二州八縣 重慶府古渝州南平凡三州十七縣

○敘州府古南溪犍道凡十縣 夔州府古雲安

巴東凡一州十二縣 龍安府古龍門凡三縣

馬瑚府古龍湖牂牁凡四軍民府一縣 潼川州

古新城梓潼凡七縣 眉州古眉山凡三縣 嘉

定州古平羌犍為凡六縣 瀘州古瀘川凡三縣

○雅州古雅安蒙山凡三縣 邛州古臨邛蒲原

凡二縣 鎮雄府古屈流大雄甸凡四長官司

烏撒軍民府古巴凡兀姑土官隸貴州凡二里

東川軍民府古東川土官凡一里 烏蒙軍民府

古竇地甸牂牁土官一里 行都司古越雋西寧

凡六衛六所五長官司 松潘衛古交川龍澗凡

一所十七長官司 四安撫司 疊溪千戶所古臨

翼凡六長官司 播州宣慰司古夜郎播川凡六

長官司 二安撫司 近平楊酋立郡邑 永寧宣撫

司 宣撫司 宣撫司 宣撫司 宣撫司 宣撫司

司古蘭州領九姓長官司編五里隸貴州○黎州
安撫司古沈黎漢源千戶所○天全六番招討司

古始陽○平茶洞長官司古黔
中○思曩日安撫司領青川所 **廣東** 古百粵地凡
十府七州七

十四縣 提舉司三 都司領十五衛四十四所
正東正南西南俱大海 西抵廣西 西北距

湖廣 北抵江西 東北抵福建○廣州府古南
海羊城凡一州十五縣○韶州府古韶陽始興凡

六縣○南雄府古雄川凌江凡二縣○惠州府古
龍川梁化凡十縣○潮州府古潮陽鳳城凡十縣

○肇慶府古端州信安凡一州十縣○高州府古
高涼石番凡一州五縣○廉州府古合浦珠官凡

一州二縣○雷州府古雷陽海康凡三縣○瓊州
府古珠崖瓊瑄凡三州十縣○羅定州古平原隴

水丹 **廣西** 古百粵地凡十府一軍民府十四州五
十縣 廣輿云又土州三十六共五十五

三縣內土官府二縣六長官司四 鄱司領十
儀衛司一 正東正北東北俱抵

正南東南俱抵廣東西抵雲南西南抵

安南西北抵貴州○桂林府古始安八桂凡二

州七縣○平樂府古昭潭荔浦凡一州七縣○梧

州府古蒼梧封州凡一州九縣○柳州府古象郡

龍城凡二州十縣○慶遠府古宜陽瀧水凡四州

五縣○潯州府古潯江桂平凡一州三縣○南寧

府古晉興朗寧凡三州四縣○太平府古麗江凡

十五州四縣○利州古交趾流判土知州○奉議

州古百粵土知州○向武州都康州龍州俱百粵

地土知州○江州一縣土官○思明府古明江土

知府領五州○鎮安府古石江土知府○思恩軍

民府古邕州○田州一縣土官○思城州思陵

州上隆州果化州恩城州歸德州歸

順州並土知州○程縣上林長官司安隆長

官司五屯千戶所並雲南古梁州南境宦林備

土官俱百粵交趾之地覽凡十三府七軍民

府三十一州三十四縣攷鏡廣輿府十四又羈縻

七軍民府八州四十一內羈縻九縣三十一鹽

課提舉司四 都司領衛二十一 所十三 安撫
司二 宣慰司七 宣撫司三 長官司二十四 正東

東南俱抵廣西 西抵百夷 南抵安南 北抵
四川 西南抵南海 西北抵西番 東北抵貴

州○雲南府古滇國晉寧凡四州九縣○大理府
古大禮國南詔凡四州四縣○楚雄府古威楚

祿凡二州五縣○臨安府古通海秀山凡四州四
縣○曲靖軍民府古南寧興古凡四州二縣○尋

甸軍民府古仁德○鶴慶軍民府古鶴川越析凡
二州○永昌軍民府古金齒凡二州二縣○姚安

軍民府古柃棟凡一州一縣○武定軍民府古羅
婺昆州凡二州一縣○澂江府古河陽麼步凡二

州四縣○廣西府古滇南牂牁三州○廣南府古
特摩道凡一州○鎮沅府古威遠凡一長官司○

景東府古開南凡一衛○順寧府古慶甸○永寧
府古谷監領長官司四○蒙化府古蒙舍陽瓜○

麗江軍民府古麗水滇國長官司四○元江軍民
府古惠龍長官司一○新化州舊名馬龍他郎甸

○北勝州古善巨○大侯州古孟祐土官以下同
○灣甸州名細賧○鎮康州名石賧○威遠州古

銀生地○孟定府古景府○孟良府古孟指○木

邦軍民宣慰司古孟都孟邦○孟養軍民宣慰司

古香柏城雲遠○緬甸軍民宣慰司古蒲甘有五

城○老撾軍民宣慰司古越裳撾家○車里軍民

宣慰司古徹里狄凍○八百大甸軍民宣慰司即

八百媳婦○大吉刺宣慰司○麓川平緬宣慰司

底馬撒宣慰司○南甸宣撫司古南宋○干崖宣

慰司古干賴賧○隴川宣慰司古麓川○者樂甸

長官司古馬龍地又者島○芒市長官司古怒謀

枯賧○鈕元長官司古也兀○孟璉茶山麻里俱

長官司○騰衝衛軍民指揮司古永昌越賧有稅

課司○瀾滄衛軍民指揮司古羅共一州曰滾渠

貴州

古羅施鬼國宣覽凡八府七州七縣廣輿凡

司八十一都司領衛二十所十三東抵湖廣

正西西北抵雲南東南西南正南俱抵廣西

正北東北俱抵四川○貴陽府古貴築凡一縣
十四長官司○宣慰司古龍章大羅凡一安撫十

一長官司○都勻府古陳蒙合江凡二州一縣八
長官司○鎮遠府古金達凡二縣三長官司○思

州府古丹川寧夷凡四長官司○思南府古莊州
務川凡二縣二長官司○黎平府古新化誠州領

長官司十三○銅仁府古常豐萬安凡六長官司
○石阡府古明陽凡四長官司○普安州古盤水

牂牁興古凡一衛四所○永寧州古永山龍滄凡
二長官司○鎮寧州古古寧安莊長官司二○安

順州古普定有衛○平越衛軍民指揮司古黎峨
三陂凡一長官司○新添衛軍民指揮司古壩城

都桑凡五長官司○龍里衛軍民指揮司古龍州
凡二長官司○畢節衛古順元○威清衛名銅鼓

○平霸衛名東溪○安南衛名尾灑○凱里安撫
司名龍泉普市○按統志有程番府領長官司十

二又金鏡安撫司及普定安順鎮寧皆皆屬之
今據職方攷鏡廣輿圖名不同而治不易

邊鎮

九邊十三邊總目已槩于前凡邊方紀載不能詳悉茲揭其里疆大目

遼東鎮

北拒諸胡南扼朝鮮東控福餘為

神京左

薊鎮

臂領衛二十五所十一關二營堡二百七十
自山海抵居庸延邊千里與虜為鄰賴重巒天險
領城十二關一百一十三寨七十三營四十三堡

六十

宣府鎮

自東徂西邊長千餘里藩屏
領衛十五所十六城三東抵黃花鎮
陵京

西抵大同

大同鎮

自宣鎮西陽堡至山西邊丫角
平遠堡山六百四十餘里東北連諸胡

西接套虜九邊中之絕塞領
八衛七所五百六十三堡

山西鎮

東自丫角山
起西至老牛

灣邊界一百餘里外借大同以為藩籬內
恃三關為捍殺領關三堡三十九口十九

延綏鎮

東自黃甫川西至定邊營界長一千五
百里為套虜充斥之地領營六堡廿八

寧夏鎮

鎮而西至固原邊界一千八百餘里東起鹽池西
盡中衛東南距河為險北倚賀蘭為固領衛六所

七營四
堡十八
固原鎮自寧鎮起西至甘肅邊界二百餘里向稱腹裡領衛五所七關一營
堡四十八
甘肅鎮自固鎮起西至嘉峪關治邊一
寨七十
戎北蔽胡虜孤懸絕塞八
衛三所一關五十三壁

平表至

大同鎮

山六百一十里北

二
六十
宣和鎮

自東山西東

自山
關一百一十三

北
關二十五

大
關十三

五聲八音八風圖



天地之間聲大者如雷霆小者如蟻蟻皆不得其和惟十二律而後聲之大者不過宮小者不過羽聲始和矣以此被之八音則八音和奏之天地則八風和八風和而諸福之物可致之祥畢至矣聖人一天地贊化育之道莫善於此

淮南子距日冬至四十五日條風至

艮卦之風一名融風為笙

則出輕繫去稽留

立春

四十五日明庶風至

震卦之風為管

則正封疆修田疇

春分播穀

四十五日清明風至

巽卦之風

為則出幣帛使諸侯

立夏長養

四十五日景風至

離卦之風

為則爵有位賞有功

夏至陽在上主布施

四十五日涼風至

坤卦之風為墳

則報地德祀四郊

立秋農登穀

四十五日閭闔

風至

兌卦之風為鐘

則收縣垂琴瑟不張

秋分殺氣愴故收縣垂鐘磬之

樂

四十五日不周風至

乾卦之風為磬

則修宮室繕邊城

立冬土

四十五日廣莫風至

坎卦之風為鼓

則閉關梁決

刑罰

冬，至象，冬，閉藏。

史記

八風解

不周風居西北，主殺。主營室，東至營室，營室者

主營胎陽氣而產之。東至于危，危，危埤也。言陽氣之
 危埤也。十月也。律中應鐘。陽氣之應不用事也。其
 于十二子為亥。亥，該也。陽氣藏于下，故該也。廣
 莫風居北方，陽氣在下，陰莫若陽。廣大，故曰廣。莫
 東至于虛。虛者能實，能虛。言陽氣冬則宛藏于虛。
 日冬至則一陰下藏，一陽上舒。故曰虛。東至須女。
 言萬物變動，其所陰。陽氣未相離，尚相如胥。故曰
 須女。十一月也。律中黃鐘。言陽氣踵黃泉而出也。
 其于十二子為子。子者，滋也。萬物滋于下也。其于
 十母為壬。癸，壬任也。陽氣任養萬物于下也。癸，揆
 也。萬物可揆度也。東至牽牛。言陽氣牽引萬物出
 之也。牽者，冒也。地雖凍，能冒而生也。牛者，耕植種
 萬物也。東至建星。建者，生也。十二月也。律中大呂。
 于十二子為丑。丑，紐也。陽氣在上，未降萬物。厄，紐
 未敢出也。條風居東北，主出萬物。言條治萬物
 而出之。故曰條風。南至于箕。言萬物根棋。故曰箕。

青囊圖說

青囊

正月也律曰泰簇言萬物簇生也于十二子爲寅
言萬物始生蟻然也南至于尾言萬物始生于尾
也南至于心言萬物始生有華心也南至于房言
萬物門戶也至于門則出矣明庶風居東方明
庶者明衆物盡出也二月也律中夾鍾言陰陽相
夾則也于十二子爲卯卯茂也言萬物茂也于十
母爲甲乙甲者言萬物剖符甲而出也乙者言萬
物生軋軋也南至于氏氏至也萬物皆至也南至
于亢言萬物亢見也南至于角言萬物有枝格如
角也二月也律中姑洗言萬物洗生也于十二子
爲辰言萬物之娠也清明風居東南維主風吹
萬物而西之軫軫者萬物益大而軫軫然也西至
于翼言萬物皆有羽翼也四月也律中中呂萬物
盡旅而西行也于十二子爲巳言陽氣之巳盡也
西至于七星陽數成于七故曰七星西至于張言
萬物皆張也西至于注言萬物始衰陽氣下注也
五月也律中蕤賓言陰氣幼少故曰蕤痿陽不用
事故曰賓景風居南方言陽氣道竟故曰景風

子十二子爲午陰陽交故曰午于十母爲丙丁丙者陽道著明也丁者萬物丁壯也西至于弧言萬物弧落日就歿也西至于狼萬物可度量斷萬物故曰狼也涼風居西南維主地地者沈奪萬物氣也六月也律中林鍾言萬物就歿氣林狀其于十二子爲未萬物皆成有滋味也北至于罰言萬物氣奪可伐也北至于參言萬物可參也七月也律中夷則言陰氣之賊萬物也于十二子爲申陰用事申賊萬物故曰申北至于濁濁者觸也萬物皆觸歿也北至于雷言陽氣之樞雷也八月也律中南呂言陽氣之旅入于藏也于十二子爲酉萬物之老故曰酉閭闔風居西方閭者倡也闔者藏也言陽氣道萬物入黃泉也于十母爲庚辛陰氣庚萬物故曰庚萬物之辛生故曰辛北至于胃言陽氣就藏皆胃胃也北至于婁婁者呼萬物且內之也北至于奎奎者主毒螫殺萬物也奎而藏之九月也律中無射陰盛用事陽氣無餘故曰無射于十二子爲戌萬物盡滅故曰戌也

三分損益圖



以三分損益之法正五音五音和矣然音止于五猶不足以盡其變由是截竹十二管為十二律以應十二月而亦以三分損益之法正之

二十律相生相應同心統一圖



漢前志黃鍾為宮則大蕤姑洗林鍾南呂皆以正聲應無有忽微不復與他律為投者同心一統之義也非黃鍾而他律雖當其月自宮者則其和應之律有空積忽微而不得其正此黃鍾至尊無與並也前律呂相生圖以隔八為次此則取其所生者比而次之六陽律當位自得六陰呂反居其衝如黃鍾隔八生林鍾林鍾在未今反而居丑餘五呂反此正見同心一統君不為臣役之義也

黃鍾萬事根本圖

黃鍾生度

黃鍾之管其長積
秬黍中者九十粒
一粒爲一分十分
爲寸十寸爲尺十
尺爲丈十丈爲引

黃鍾生量

黃鍾之管其長廣
容秬黍中者二千二
百粒爲一勺十勺
爲合十合爲升十
升爲斗十斗爲斛

黃鍾生衡

黃鍾所容千二百黍
爲勺重十二銖二勺
則二十四銖爲兩
十六兩爲斤三十
斤爲鈞四鈞爲石

律之數十二故十二蕞而當一粟十二粟
而當一寸律以當辰音以當日日之數十
故十寸而爲尺十尺而爲丈其以爲量十
二粟而當一分十二分而當一銖十二銖
而當半兩衡有左右因倍之故二十四銖
爲一兩天有四時以成一歲因而四之四
四十六故十六兩爲一斤三月爲一時三
十日爲一月故三十斤爲一鈞四時爲一
歲故四鈞爲一石其以爲音也一律而生
五音十二律而爲六十音因而六之六六
三十六故三百六十音以當一歲之日故
律曆之數天地之道也下生者倍以三除
之上生者四以三除之
下生上生者鍾律上下相生誘不敏也蕞
禾穗粟字甲之芒也日數十謂從甲至癸
也丈尺量分言其輕重分銖也

交六氣時日陰陽升降圖

少陰君火司天陽明燥金在泉
 太陽寒水在泉少陽相火司天厥陰風木在泉



陽明燥金司天少陰君火在泉
 太陽寒水司天少陰相火在泉
 太陰濕土在泉厥陰風木司天

內經子午年少陰君火司天
 氣熱化之候升木年太陰濕土
 司天歲氣濕化之候寅申年少
 陽相火司天歲氣火化之候卯
 酉年陽明燥金司天歲氣燥化
 之候辰戌年太陽寒水司天歲
 氣寒化之候巳亥年厥陰風木
 司天歲氣風化之候厥陰風木
 為萬年不易之氣名曰主氣其
 能輪運皆客氣也
 君火手少陰心經心者君主之
 官土掌陽氣之本發生土物之
 源濕土者足太陰脾經中央戊
 巳寄旺四季各十八日相火者
 二焦浮流之火炎上剋肺金則
 腎水失母陽明者肺與大腸之
 氣象庚金寒水者足膀胱經與
 足少陰腎經合為表裡屬北方
 壬癸水厥陰風木者足厥陰肝
 經春旺七十二日也
 厥陰主氣如初氣少陽三焦火
 二氣少陰君火三氣太陰濕土
 四氣陽明燥金五氣太陽膀胱
 水六氣厥陰肝木也

黃帝問地理之應六節氣位岐伯曰顯明之右君火之位也
君火之右還行一步相火治之復行一步土氣治之復行一
步金氣治之復行一步水氣治之復行一步木氣治之復行一
一步君火制之相火之下水氣承之木位之下土氣承之土
位之下風氣承之風位之下金氣承之金位之下火氣承之
君火之下陰精承之亢則害承乃制也制則生化外列盛衰
害則敗亂生化大病夫五形木土金水各一惟火有二曰君
火相火在地理分爲六方在歲時分爲六氣初氣自丑至卯
始大寒終春分厥陰風木土之二氣自卯至巳始春分終小
滿少陰君火主之三氣自巳至未始小滿終大暑少陽相火
主之四氣自未至酉始大暑終秋分太陰濕土司之五氣自
酉至亥始秋分終小雪陽明燥金主之六氣自亥至丑始小
雪終大寒太陽寒水主之夫顯明指方位也日出卯地少陰
君火始此而右遷故曰顯明之右天地左旋六氣右旋故曰
還行六位之下各有巳所不勝者承之于下五形之道不亢
則隨一有所亢則起而尅之夫制則生化者有制之常如亢
則制而生化不息何害之有外列盛衰者言所承者力衰所
亢者極盛制之不盡在天地則爲六淫在人身爲六疾害則
敗亂者言無制之變所承者其衰而無氣故所亢者其勢縱
橫而不可遏在天地則大塊絕滅在人身則病眞而歿也


太乙居所九宮圖



太乙貴神常以冬至
 之日居叶蟄之宮四
 十六日明日居天雷
 四十六日明日居倉
 門四十六日明日居
 陰絡四十六日明日
 居上天四十六日明
 日居玄委四十六日
 明日居倉果四十六
 日明日居新洛四十
 六日明日復居叶蟄
 之宮日冬至矣

太乙日遊以東至之日居叶蟄之宮數所在日從
一日至九日復返于一常如是無已終而復始太
乙移日天必應之以風雨則吉歲美民安少病矣
先之則多雨後之則多汗太乙在冬至之日有變
占在君太乙在春分之日有變占在臣太乙在中
宮之日有變占在吏太乙在秋分之日有變占在
將太乙在夏至之日有變占在百姓居五宮之日
病風折木揚沙各以其所主占貴賤因視風所從
來而占之風從所居之鄉來為實風主生長養萬
物從其沖後來為虛風傷人者也主殺主害者謹
候虛風而避之故太乙入徙立于中宮乃朝入風
以占吉凶也太乙貴神人病勿沖犯之則凶
風從南來名太弱風傷心外舍從西南來曰謀風
正南來曰剛風西北方來曰折風北方來曰大剛
風東北方來曰凶風東方來曰嬰兒風東南來曰
弱風此八風皆從其虛之鄉來乃能病人三虛相
搏則為暴病卒死兩實一虛病則為淋露寒熱犯
其雨濕之地則為痿故聖人避風如避矢石其有
三虛而偏于中邪風則為繫仆偏枯矣

經絡配四時外合經水圖



天時十二月人身十二經地支
 十二位手經絡應天足經絡應
 地一臟一腑為表裡一經一絡
 應陰陽人身脈運于中血氣周
 流不已三陰三陽之中有陽明
 者為兩陽合明厥陰者為兩陰
 交盡
 五臟六腑十二經水外有源泉
 內有所稟此皆內外相貫如環
 無端人經亦然故天為陽地為
 陰腰以上為天腰以下為地故
 海以北者為陰湖以北者為陰
 中之陰漳以南者為陽河以北
 至漳者為陽中之陰濼以南至
 江者為陽中之太陽此一隅之
 陰陽也所以人與天地相參焉

經脈始從中焦流注圖



手足三陰三陽十二經所出入之會剛柔配遇之道凡六十六充五臟以俞為原六腑則別置一原者三焦行于諸陽乃原氣之別使也 凡經絡之所出為井所垂為榮所注為腧所過為原所行為經所入為合井象水之原榮象水之波腧象水之竇經象水之流合象水之壅皆取水之義也

二十七難曰脉有奇經八脉皆不拘于經 有十二絡有十五凡二十七氣相隨上下不拘于經狀聖人圖設溝渠通利水道以備不秋雨降渠溢需需妄作聖人不能復圖比絡脉滿溢諸經不能復拘

厥者盡也為六經之尾也

臟腑經脈

心臟手少陰經 起自中衝穴在手小指內廉之端去爪甲二分許

終于極泉穴在腋下肋間動脈入胸○肝脈足厥陰經 起自大敦穴在足大指端三毛之中終于

陰包穴在膝四寸上○膽為足少陽經 起自竅陰穴在足小指次指端去爪甲如韭葉許終于童

子膠穴在目外眥五分○脾臟足太陰經 起自隱白穴在足大指端內側去爪甲角如韭葉終于

大包穴在淵腋下三寸九肋間○胃腑足陽明經 起自厲兌穴在足大指次指之端去甲如韭葉

終于頭維穴在額角入髮際本神旁一寸五分○肺臟手太陰經 起自少商穴在手大指端內

側去爪甲二分許○胃者之中終于中府穴在乳上三肋間動脈應手○大腸手陽明經 起自商陽

穴在手大指次指頭內側端終于迎香穴在鼻孔旁五分斜縫中○腎臟足少陰經 起自湧泉穴

在足心陷中其終于臑府穴胸前巨骨下璇璣傍各二寸其經左右共五十四穴○膀胱腑足太陽

經 起自至陰穴在足小指外側去甲如韭葉終
于睛明穴在目內眥○三焦腑手少陽經 起自

關冲穴在手小指次指之端去爪甲角如韭葉終
于耳前穴在耳前起肉當耳缺者○小腸手太陽

經 起自少澤穴在手小指之端終于東風穴在
肩上舉臂有空○包絡手厥陰經與心職同起自

少 呼吸脈息 人一呼脈行三寸一吸脈行三寸呼
吸定息脈行六寸人一日一夜凡一

萬三千五百息脈行五十度周身漏水下百刻
榮衛行陽二十五度行陰亦二十五度為乙周也

故五十度復會于手太陰寸口為五
臟六腑之所終始法取于寸口也 奇經八脈十

八難奇經八脈既不拘于十二經督脈起于下極
之俞並于脊裏上至風府入屬于腦任脈起于中

極之下以上毛際循腹裏上關元至喉咽衝脈起
于氣衝並足陽明之經夾臍上作至胸中而散帶

脈起于李脇迴身一周陽蹻脈起于跟中循外踝
上行入風池陰蹻脈亦起于跟中循內跟上行至

咽喉交貫衝脉陽維陰維者維絡于身溢畜不能
環流灌溉諸經者也故陽維起于諸陽會也陰維
起于諸陰交也比于聖人圖設溝渠流于深湖故
聖人不能拘通也而人脉隆盛入于八脉而不環
周故十二經亦不能拘之

男女生於寅申圖

虞氏曰經言男子生于寅女子生于申謂其父母之年會合于

巳上男左行十月至寅而生女右行十月至申而
生也故推命家言男一歲起丙寅女一歲起壬申
難經不言起而言生謂生下巳爲一歲矣丙壬二
干水火也爲萬物之父母寅申二支金木也爲生
物成實之終始木胞在申金胞在寅二氣相配故
用寅申金生干巳巳合申故女取申木生亥亥合
寅故男取寅所以男年十歲順行在亥女年十歲
逆行亦在亥男子十六天癸至左行至巳巳者申
之生氣女年十四天癸至右行亦在巳與男
年同在本宮生氣之位陰陽相配之道也

五臟形竅出脉通屬方色圖



五行子母相生

右寸手太陰陽明金生
 左尺足太陰少陰水生
 陽少陰水生左關厥陰
 陰少陽木厥陰少陽木
 生左寸手太陽少陰火
 太陽少陰火通右尺手
 心主少陽火手心主少
 陽火生右關足太陰陽
 明土復生右寸手太陰
 陽明金此五行子母更
 相生養者也

三關六部脉圖

左手

寸口

心

小腸為腑
手太陽火

火熱
味苦

喜黍
惡熱

主血
生二

屬南方
司離位

舌為苗
液化汗

手少陽經
實夢驚怪

君主之官
虛夢烟火

關中

肝

膽經為腑
足少陽木

木風
味酸

喜麻
惡風

主
生三

屬東方
司震位

目為竅
液化淚

足厥陰經
實夢山林

將軍之官
虛夢細草

尺澤

腎

膀胱為腑
足太陽水

水寒
味鹹

喜豆
惡燥

主
生一

屬北方
司坎位

耳為竅
液化唾

足少陰經
實夢腰重

作強之官
虛夢涉水

尺下

命門

三焦為腑
手少陽火

火相
味苦

火相
性水

即右腎配三焦為表裏
欲三焦無形狀

男子藏精
女子繫胞

精氣之舍
元氣之所

右手

關中

脾

胃經為腑
足陽明土

土溫
味甘

喜粱
惡濕

主
生五

屬中州
司坤位

口為竅
液化涎

足太陰經
實夢歌樂

倉廩之官
虛夢爭食

寸口

肺

大腸為腑
手陽明金

金燥
味辛

喜稻
惡寒

主
生四

屬西方
司兌位

鼻為竅
液化涕

手太陰經
實夢干戈

傳送之官
虛夢水田

導引之官
色白

藏魄
成九

浮短嗇噴

洪天逆

熱則皮熱

冷則皮寒

四時旺脉



歌順候是無邪四時同若此
 賊脉問五行反候終言必虛
 則補其母實則寫其子剋彼
 是微邪不治病自愈

順候常平無邪無病反候尅
 賊為邪邪從後來者名虛邪
 從前來者名實邪妻不勝夫
 名為微邪

春得肺脉為鬼得心乃是肝

春得脾為其母脾則為妻餘做

春得脾而莫療冬見心而不

治夏得肺而難痊秋得肝亦

何疑

四時五臟平脈

心 肝 腎命 肺 脾

春

弦而浮洪

弦而長

弦而沉滑

弦而微浮

弦而緩

夏

洪大而散

洪而弦長

洪而沉滑

洪而浮濇

洪而遲緩

四季

緩而洪

緩而弦

緩而沉濇

緩而浮濇

緩大而慢

秋

浮而洪

浮而弦細

微而滑

浮而短濇

浮而緩大

冬

沉而洪

沉而弦

沉而滑

沉而濇

沉而緩

四時五臟邪脈

正邪 賊邪 虛邪 實邪 微邪

春

弦

浮濇而短

沉細而滑

浮洪

緩大

夏

浮濇而散

沉細

弦

緩大

浮濇而短

四季

緩慢而大

弦

浮洪

浮濇而短

沉細而滑

秋

浮濇而短

浮洪

浮緩而

沉細而滑

弦

冬

沉細而滑

緩大

浮濇而短

弦

浮洪

歷代統緒圖

盤古氏

傳首出御世
又曰渾敦氏

天皇氏

一在十二人
始制千冬
各兄弟
萬八千歲

地皇氏

一姓十二人
夏定三辰分
一萬八千歲

人皇氏

一姓九人
九區政教君臣飲食
男女別自弟兄弟合
四萬五千六百年

有巢氏

構木為巢
茹毛飲血

燧人氏

鑽木取火教民烹飪結繩傳教日中之市
自三皇以來有尚紀曰燔燔因提禪通
疏化四紀相傳五十餘代載籍不詳若育巢燧人及軒轅黃帝皆不知年載

伏羲

地應河圖受書陰陽八卦
卦物一書其姓氏則家
娶作音燧在位一百
一十二年傳一百五

神農

作耒耜藝五
穀嘗百草作力
書在位一百四
十年傳八世

黃帝

立制應作甲子造曆書
作書教訓美善聖用州
身宮室立五帝作內經
野分州在位一百

少昊

黃帝十在
位八十四年

顓臾

黃帝孫在
位七十八年

帝嚳

少昊之孫在位
七十二年傳不繼

帝堯

帝嚳之次子
之弟在位七
十二年舉舜
攝位

帝舜

黃帝八代孫姓姚在
位六十二年舉禹自代

夏

大禹實甲子孫姓姒之
子受舜禪在位二十七年
傳十七世共四百五十八
年內憂國躬耕寒浪四十年

商

成湯受命
在位五十四年
傳三十世共一千七百

周

后稷之後姓姬氏文王之子武王代紂在位七年傳三十世至考王又自威烈王為東周至莊襄王
百七十三年周士國魯齊陳曹燕蔡衛宋楚晉秦鄭東周七國秦韓魏楚燕趙齊

秦

始皇政初併天下
而亡共即帝位十四年

漢

前漢高祖劉邦傳十帝內呂后臨朝年義舉位八年
後漢光武劉秀傳十帝曹不負益在兩漢共四百一十七年

蜀漢

魏黃帝十在
傳四世共五十九年

吳

孫權傳四世共五十九年

月令廣義

圖說

卷五十七

晉 司馬炎篡魏滅漢 晉書四世共五十二年 五胡亂中原 晉室渡江
東晉 實姓牛氏傳十一 帝又二百四年

宋 劉裕傳公帝 蕭道成傳五 共六十年 帝共二十四年
齊 蕭道成傳五 共五十四年
梁 蕭衍傳四帝 蕭譽

魏 拓拔珪 東魏 善見
西魏 修 寶炬
北齊 高洋傳五主 合二十七年
後周 宇文泰傳五 共二十六年

後梁 朱溫二代 共十年
後唐 李存勖五帝 共十五年
後晉 石敬瑭三主 共九年
後漢 劉暉二世 共四年
後周 郭威三主 共十年

蜀 楊建
吳 楊行密
閩 王審知
楚 馬殷
吳越 錢鏐
南漢 劉隱
南平 高季興
後蜀 孟昶
南唐 李昇

宋 趙匡胤傳二十七帝
高宗 南渡 宋美 島克 年

南宋

遼
金



元 鐵木真傳十八帝 凡百六十二年
自世祖混至順帝實計八十九年

明

大清萬萬世

兩晉間十六國
前趙劉淵 後趙石勒 前燕慕容皝
前秦苻堅 後燕慕容垂 南燕慕容德 後秦姚萇
前涼張軌 後蜀李壽 西秦乞伏國仁 後涼呂光
北涼段業 西涼李暹 西燕慕容冲 一作北燕
南涼秃髮烏孤 大夏赫連勃勃

明堂月令圖




西

東



還處路寢
門終月



閏月聽
朔于明
堂門中

南

月令廣義

首卷

明堂天子十二月聽政之所春青陽夏明堂秋總章
冬玄堂中央太廟太室四堂各有左右中三室隨四
時孟仲季分居之如孟春居青陽之左个東堂北偏
仲春居青陽東堂中央之太室季春居青陽之右个
東堂南偏是也餘
倣此閏月王居門

原經歌拾遺明堂始自神農謂之天府黃帝曰合室堯曰
獨室舜曰總章夏曰垂室商曰重屋周曰明堂公玉帶以
爲一殿考功記以爲五室大戴以爲孔室十二堂呂氏春
秋以爲十二堂月令以爲四堂十三室○按明堂與宗廟
古制不同蔡邕云宗廟之制古學以爲人君之居前有朝
後有寢終則前制廟以象朝後制寢以象寢廟以藏主列
朝昭寢有衣冠几杖象生之具總謂之宮月令曰先薦詩
云公侯之宮頌曰寢廟奕奕言相連也漢高帝以下每帝
各別立廟月備法駕遊衣冠又未定迭毀之禮元帝時罷
遊衣冠毀先帝親盡之廟五年而禘殷祭猶古之禘禘也
殷祭則及諸毀廟非殷祭則祖宗而已
據此則近代明堂久廢而宗廟仍古耳

農器圖譜云授時圖示民耕桑時候之圖也
堯命羲和曆象授時農桑之節四時各有其
務十二月各有其宜先時而種則失之太早
而不生後時而藝則失之太晚而不成故智
者不能冬種而春收農書天時之宜篇云萬
物因時受氣因氣發生時至氣至生理因之
今人雷同以正月爲始春四月爲始夏不知
陰陽有消長氣候有盈縮冒昧律成者幸而
已一歲之中月建相次氣候推遷授時節專
夫授時曆每歲一新授時圖常行不易非曆
無以起圖非圖無以行曆然按月農時特取
天地南北之中氣立作標準以示中道非膠
柱之謂若夫遠近寒暖之漸殊正閏常變之
或異又當推測晷度斟酌先後則生養之節
不差謬矣

山海輿地全圖

外三圈天球定天
度晝夜長短影候



圖中橫豎三十六
方每方中各十度

鄒子稱中國外如中國者九裨海環之其語似闊
大不經班傳崑崙山東南一枝入中國故水皆東
流而西北一枝仍居其半卒亦莫能明其境夫地
廣且大矣然有形必有盡而齊州之見東溟不踰
海西不踰崑崙北不踰沙漠於以窮天地之際不
亦難乎囿于所見或意之爲小放浪于所不見或
意之爲大意之類皆妄也利山人自歐邏巴入中
國著山海輿地全圖蓋其國人及佛郎機國人皆
好遠遊然如南極一帶亦未有至者要以三隅推
之理當如是山人冥修敬天其所著天冊月星遠
大之數或自有據併載之

古歛吳中明撰

山海輿地全圖說

地輿海本是圓形而全爲一球居天球之中如雞子黃在青內有謂地爲方者乃語其定而不移之性非語其形體也天既包地則彼此相應故天有南北二極地亦有之天分三百六十度地亦同之天中有赤道自赤道而南二十三度半爲北道據中國在北道之北日行赤道則晝夜平行南道則晝短行北道則晝長故天球有晝夜平圈列于中晝短晝長二圈列于南北以著日行之界地球亦有三圈對于下但天包地外爲甚大其度廣地處天中爲甚小其度狹查得直行北方者每路二百五十里覺北極出高一度南極入低一度直行南方者每路二百五十里覺北極入低一度南極出高一度則不特審地形果圓而並徵地每度廣二百五十里則地之東西南北各一週有九萬里實數也是南北與東西數相等不異夫地厚二萬八千六百三十六里零三十六丈上下四旁皆生

齒所居渾淪一球原無上下蓋在天之內何瞻非
天總六合內凡足所倚卽爲下凡首所向卽爲上
不專以身之所居分上下也予自太西浮海入中
國至晝夜平線已見南北二極皆在平地略無高
低道轉而南過大浪山已見南極出地三十二度
則大浪山與中國上下相爲對待矣以天勢分
山海自北而南爲五帶一在晝長晝短二圈之間
其地甚熱帶近日輪故也二在北極圈之內三在
南極圈之內此二處地俱甚冷帶遠日輪故也四
在北極晝長二圈之間五在南極晝短二圈之間
此二地皆謂之正帶不甚冷熱日輪不遠不近故
也又以地勢分輿地爲六大州曰歐羅巴曰利未
亞曰亞細亞曰北亞墨利加曰南亞墨利加曰
南亞墨利加曰墨互臘泥加
歐羅巴南至地中海北至臥蘭的亞及冰海東至
大乃河墨何的湖大海西至大西洋利未亞南
至大浪山北至地中海東至西江海仙勞冷祖島
西至河摺亞諾滄卽此州只以聖地之下微路與

亞細亞相聯其餘全為四海所圍亞細亞南至

沙馬大臘呂宋等島北至新增白臘及北海東至

日本島大明海西至大乃河墨河的湖大海西江

海小西洋南北亞墨利加全為四海所圍南北

以微地相聯墨丸臘泥加盡在南方惟見南極

出地而北極常藏焉其界未審何如故不敢訂之

惟其北邊與大小瓜哇及墨丸臘

泥峽為境也大約各州有百餘國

圓球平圈為線合連東西二海形為一方每十

度一方為經緯線東西緯線數天下之長自晝夜

平線為中而起上數至北極下數至南極南北經

緯數天下之寬自福島起為一十度至三百六十

度復相接凡地在中線以上主北極則實為北

方中線以下主南極實為南方也釋氏謂南瞻部

洲並計須彌山

出入地數謬也

又用緯線以着各極出地幾何蓋地離晝夜平線

度數與極出地度數相等但在南則若南極出地

度數與極出地度數相等但在南則若南極出地

之數在北方亦然故視北京隔中線以北四十度則知京師北極高四十度也南京離中線以上三十二度離福島以東一百三十度也福大浪山隔中線以南三十六度則知大浪山南極高三十六度也凡同緯之地其極出地數同則四季寒暑同態焉若兩處離中線度數相同但一離南一離北其四季晝夜刻數均同惟時相反耳此之夏為彼之冬也

同經線處並同辰而同時見日月蝕矣晝夜時辰遠近以中線度之不差蓋日輪一日作一週則每辰行三十度而兩處相違三十度謂差一辰故眎女直離福島一百四十度而緬國離一百一十度則女直于緬國差一辰凡女直之卯為緬之寅時也餘倣是詳見全圖茲略載以覽攷